

ಪೊಂಬೊಳಕ್

ಬೆಂಗಳೂರ್ ಕೊಡವ ಸಮಾಜತರ ಪತ್ರಿಕೆ

Pombolak Kodava Monthly... ಕೊಡವಾಮೆರ ಬೊಳಚ

ಕ್ರಯ : 10 ಉರ್‌ಪಿಯ

ಸಂಪುಟ:9 ಸಂಚಿಕೆ: 9 ಮೇ-ಜುಲೈ 2013 ಪೊಂಬೊಳಕ್- ಮೂಲಿಂಗ ಪತ್ರಿಕೆ. ಕೊಡವ ಸಮಾಜ, ಬೆಂಗಳೂರ್. Reg. No. : KARKOD00000/10.01.2011.TC ①:080-22260188 ಒಟ್ಟು ಪಾಳೆ 8

ಕೆ.ಆರ್.ಪುರ ಕಾವೇರಿ ಕೊಡವ ಸಂಘ ಪುದಿಯ ಕಟ್ಟಡ ಉದ್ಘಾಟನೆ



ಬೆಂಗಳೂರ್ ಕೆ.ಆರ್.ಪುರ ಅಯ್ಯಪ್ಪ ನಗರತರ ಮುನೇಶ್ವರ ಬ್ಲಾಕ್‌ನ ಸುಮಾರ್ 46 ಲಕ್ಷ ಉ. ಖರ್ಚಿಲ್ ಕಟ್ಟನ ಶ್ರೀ ಕಾವೇರಿ ಕೊಡವ ಸಂಘತರ ಪುದಿಯ ಕಟ್ಟಡ ಉದ್ಘಾಟನೆ ತಾ. 9.6.2013ಂದ್ ನಡೆಂದತ್. ಸಮಾರಂಭಕ್ ಮುಖ್ಯ ಬೆಂದುವಳಾಯಿತ್ ಬೆಂಗಳೂರ್ ಕೊಡವ ಸಮಾಜ ಅಧ್ಯಕ್ಷ ಚಿಪ್ಪುಡಿ ರಂಜು ಸುಬ್ಬಯ್ಯ(ತೆಲಕ್), ಮಾಜಿ ಅಧ್ಯಕ್ಷ ಕೋಡಿರ ಎಂ ಅಪ್ಪಯ್ಯ,

ನೆಲ್ಲಕ್ಕಿ ಕೊಡವ ಸಂಘ ಅಧ್ಯಕ್ಷ ಕಂಬೆಯಂಡ ಮೋಹನ್ ನಾಣಯ್ಯ ಪಿಂಞ 'ಪೂಮಾಲೆ' ಸಂಪಾದಕ ಅಜ್ಜನಿಕಂಡ ಮಹೇಶ್ ನಾಚಯ್ಯ ಬಂದಿತಿಂಜತ್. ವೇದಿಕೆಲ್ ಸಂಘತರ ಅಧ್ಯಕ್ಷ ಕೇಚೆಟ್ಟಿರ ಕುಶಾಲಪ್ಪ, ಕಾರ್ಯದರ್ಶಿ ಕೋಳಿರ ಮನು ಮೊಣ್ಣಪ್ಪ ಪಿಂಞ ಕಟ್ಟಡ ಸಮಿತಿ ಅಧ್ಯಕ್ಷ ಮುಲುವೆರ ರಂಜು ಉತ್ತಪ್ಪ ಕೂಡಿಯಾಡಚಿ.

ಸಮಾರಂಭತರ ಆದತ್ ಕಟ್ಟಡ ಪಿಂಞ ದಾನಿಯಡ

ಕಲ್ಲ್ ತೊರಂದತ್. ಕೋಡಿ-ಮಣಿಯಂಡ ಮೌಲ್ಯ ಅಚ್ಚಯ್ಯ ಪಾರ್ಥನ್ ಮೌಡಾಚಿ. ಕೇಚೆಟ್ಟಿರ ಕುಶಾಲಪ್ಪ ಸ್ವಾಗತ ಬಯಂದಿತ್, ದಾನಿಯಡ, ನಾಡ್‌ಕಾರಡ ಬೆಂಬಲತನ ನೆನತಿಯಂಡತ್. ಬೆಂದುವ ಬೊಳಚ ಕತ್ ಚಿಟ್ಟಿತ್ ಕಾರ್ಯಕ್ರಮ ಉದ್ಘಾಟನೆ-ಚಿಟ್ಟಿತ್. ಬೆಂದು ಪರಿಚಯ ಮಾಡಿತ್ ಬೆಂದುವಳ ಗೌರವಿಚಿಟ್ಟಿತ್. ಈ ಸಂದರ್ಭತ್ ಆಡಳಿತ ಮಂಡಳಿಕಾರ ಅಧ್ಯಕ್ಷ ಕುಶಾಲಪ್ಪಂಡ ನೈಪುನ ಕೊಂಡಾಡಿತ್ ಕೊದಿಮೊದ ಕೊಡ್ ಕೊಂಡಾಡಚಿ. ದಾನಿಯೆಕ್ ಸನ್ಮಾನ ಮಾಡಚಿ. ಬೆಂದುವ ತೆಕ್ ಪರಂದತ್. ವಂದನಾರ್ಪಣೆ: ಕುಮ್ಮಂಡ ರಾಧ ಬಿದ್ದಪ್ಪ.

ಮಜ್ಜಣತರ ಮೀದ ದಾನಿ-ಯಡ ಸನ್ಮಾನ ನಡೆಂದತ್. ಸಾಂಸ್ಕೃತಿಕ ಕಾರ್ಯಕ್ರಮ ಏರ್ಪಡ್ತಿಂಜತ್. ಕಾರ್ಯಕ್ರಮ ನಿರೂಪಣೆ ಸಣ್ಣವಂಡ ಮುತ್ತಣ್ಣ ಪಿಂಞ ಕುಮ್ಮಂಡ ರಾಧ ಬಿದ್ದಪ್ಪ ಮಾಡಚಿ.

ವರದಿ : ಕೋಳಿರ ಮನು ಮೊಣ್ಣಪ್ಪ

ಬೆಂಗಳೂರ್ ಕೊಡವ ಸಮಾಜತರ ಸೆಪ್ಟಂಬರ್ 8ಂಗ್ ಕೈಲೆಪೊಳ್ಳೆ

ಬೆಂಗಳೂರ್ ಕೊಡವ ಸಮಾಜತರ ಆದನೆಲ್, ಇದೇ ಸೆಪ್ಟಂಬರ್ 8ನೇ ತಾರೀಖ್ ನಾರಾಚೆ ದಿನ ಪೊಲಾಕ 9.30 ಗಂಟೆಂಜಿ ಕೈಲೆಪೊಳ್ಳೆ ಒತ್ತೋಮ್ ಕೂಟ ಹರದಾಸ

ಅಪ್ಪನೇರವಂಡ ಅಪ್ಪಚ್ಚಕವಿ ಸಭಾಂಗಣತ್ ನಡೆಪದುಂಡ್. ಈ ಸಂದರ್ಭತ್ ಪದ್ಧತಿ ಪೋಲೆ ಆಯುಧಾ ಪೂಜೆ ಮಾಡಿತ್, ಬೆಂದುವಳ ಗೌರವಿಚಿಡು-ವದುಂಡ್. ಬೋರೆ ಬೋರೆ

ಕೋವ್ವಲ್ ಸಾಧನೆ ಮಾಡನೆಯಿಂಗ್ ಸನ್ಮಾನ ಮಾಡುವದೂ ನಡೆಪ್. ಮಜ್ಜಣಕ್ ಗದ್ದಳೆತರ ಊಟೋಪಚಾರ ಬಳಂಬುವ.

ಕೊಡವ ಸಮಾಜ(ಲಿ) ಬೆಂಗಳೂರ್

ನಂಬರ್ 7, 1ನೇ ಮುಖ್ಯ ರಸ್ತೆ, ವಸಂತನಗರ, ಬೆಂಗಳೂರ್-560052. ಫೋನ್: 080 22260188

ಕೈಲೆಪೊಳ್ಳೆ : ಸಾಧಕಂಗ್ ಸನ್ಮಾನ-ವಿವರ

ಬೆಂಗಳೂರ್ ಕೊಡವ ಸಮಾಜ-ತರ ಆದನೆಲ್ ತಾ.8.9.2013ನೇ ನಾರಾಚೆ ಕೈಲೆಪೊಳ್ಳೆ ಒತ್ತೋಮ್ ಕೂಟ ನಡೆಪ ಸಂದರ್ಭತ್, ಬೋರೆ ಬೋರೆ ಕೋವಲ್ ಸಾಧನೆ ಮಾಡನ ಕೊಡವಳ ಸನ್ಮಾನ ಮಾಡುವ-ದುಂಡ್. ಕಯಿಂಜ ಕೈಲೆ-ಪೊಳ್ಳೆಂಜ ಈ ಒರ್ ಕಾಲಾವ-ಧಿಲ್ ಕೋದಲ್ ಕಾಟ್‌ನ ಏದೇಂಗಿ ಕೋವಲ್ ವಿಶೇಷ ಪ್ರಶಸ್ತಿ, ಮೆಡಲ್, ಇನಾಂ, ಪಡೆಂದವು ಸನ್ಮಾನಕ್ ಅರ್ಹತೆ ಪಡೆವ. ಒಮ್ಮೆ ಇಲ್ಲಿ ಸನ್ಮಾನ ಪಡೆಂದಯಿಂಗ್ ಅವಕಾಶ ಇಲ್ಲೆ. ಸನ್ಮಾನಕ್ ಖುದ್ ಬಂದಿತ್ ಸನ್ಮಾನ ಪಡೆವಕ್ ಸಾಧ್ಯ ಉಳ್ಳವು ಕೊಡವ ತಕ್ಕಲ್ ಅರ್ಜಿ ಇಡಲು.

ಸೇವೆ ಸಾಧನೆರ ಕೋವ್

1. ಆರ್ಮಿ, ನೇವಿ, ಏರ್‌ಪೋರ್ಸ್, ಪ್ಯಾರಾ ಮಿಲಿಟರಿ, ಕೊಡನ ಡಿಫೆನ್ಸ್ ಸರ್ವಿಸ್‌ಲ್ ತರಾವರಿ ಪ್ರಶಸ್ತಿ-ಮೆಡಲ್ ಪಡೆಂದವು (ಸೇನಾ ಮೆಡಲ್ ಪಿಂಞ ಆದಂಗ್ ಸಮಾನ ಇಲ್ಲೇಂಗಿ ಮೇಲ್ಪಟ್ಟಿದ್)
2. ಪೋಲೀಸ್ ಸರ್ವಿಸ್ - ರಾಷ್ಟ್ರಪತಿರ ಮೆಡಲ್ ಪಡೆಂದವು.
3. ಕ್ರೀಡಾ ಕ್ಷೇತ್ರ- ಅಂತರ-ರಾಷ್ಟ್ರೀಯ ಮಟ್ಟತ್ ಕೂಡಿಯಾ-ಡೆನವು.
4. ಸಮಾಜ ಸೇವೆಲ್ ಸಾಧನೆ ಮಾಡಿತ್ ಪೆದ ನೇಡನವು.
5. ಎಕ್ಸಕಾರ-ಕೊಡವ ತಕ್ಕಲ್ ಪುಸ್ತಕ ಪ್ರಕಟಿಚಿಟ್ಟಿತೂ ಸಾಹಿತ್ಯ

- ಕೋವಲ್ ಪೆದ ಮಾಡನವು.
6. ಎನ್‌ಸಿಸಿ-ರಾಷ್ಟ್ರ ಪ್ರಶಸ್ತಿ.
 7. ಐ ಎ ಎ ಸ್ಕ, ಐ ಪಿ ಎ ಸ್ಕ, ಐಎಫ್‌ಎಸ್, ಪಾಸಾನಾವು.
 8. ಶತಾಯುಷಿ-ಖುದ್‌ಯಿತ್ ಬಂದಿತ್ ಸನ್ಮಾನ ಪಡೆವಕ್ ಸಾಧ್ಯ ಉಳ್ಳವು.
 9. ವಿದ್ಯಾಕ್ಷೇತ್ರ-(2012-13ನೇ ಕಾಲತ್ ಪಾಸಾನವು ಮಾತ್ರ)
 - 1) ಎಸ್.ಎಸ್.ಎಲ್.ಸಿ : 95%
 - 2) ಐ.ಸಿ.ಎಸ್.ಇ : 94%
 - 3) ಸಿ.ಬಿ.ಎಸ್.ಸಿ : 94%
 - 4) ಪಿ.ಯು.ಸಿ : 93%
 - 5) ಡಿಗ್ರಿ : 85% ಬಿ.ಎ, ಬಿ.ಕಾಂ, ಬಿ.ಬಿ.ಎಂ, ಬಿ.ಎಸ್.ಸಿ, ಬಿ.ಸಿ.ಎ,ಎಲ್.ಎಲ್.ಬಿ, ಬಿ.ಎಸ್‌ಸಿ(ಆಗ್ರಿ) : 87%
 - 6) ಸಿಐಟಿ : 1000 ರ್ಯಾಂಕ್‌ರ ಒಳಿಯು
 - 7) ಇಂಜಿನಿಯರಿಂಗ್ : 85% (5 ಲಿಂಜಿ 8 ಸೆಮೆಸ್ಟರ್‌ಕೆತ್ತಣೆ ಎಲ್ಲಾತೂ)
 - 8) ಪೋಸ್ಟ್ ಗ್ರಾಜ್ನುಯೇಶನ್ : 80% (ಎಂ.ಬಿ.ಎ, ಎಂ.ಸಿ.ಎ, ಎಂ.ಎಸ್‌ಸಿ.ಎಂ.ಎ), ಸಿ.ಎ.87% ಎಂ.ಎಸ್, ಎಂ.ಎಸ್‌ಸಿ (ಆಗ್ರಿ)
 - 9) ಮೆಡಿಕಲ್, ಡೆಂಟಲ್ : 65%
 - 10) ಪಿ.ಎಚ್‌ಡಿ. : ಎಲ್ಲಾರ್‌ಕೂ (2 ಕಾಲತ್ ಒಳಿಯು)

ಈ ಕೊಡಿಲ್ ಕಾಟ್‌ನ ಎಲ್ಲಾ ಬಗೆರ ಸಾಧಕಂಗ್ ಕೊಡವ ತಕ್ಕಲ್, ಮನೆ ಪೆದೋಡೆ, ವಿಳಾಸ, ಪೋನ್ ನಂಬರ್ ಕಾಟಿತ್ ಎಳ್ಳೆನ ವಿವರತರ ಬಯೋ-ಡೇಟಾ ಮಾದರಿ ಅರ್ಜಿ, ವ್ಯಕ್ತಿ ಪರಿಚಯ ಅನ್ವನೆ ಸಂಬಂಧಪಟ್ಟ ದಾಖಲೆರ ಪೋಟೋ ಕಾಫಿ ಕೂಟಿತ್ (ವಿದ್ಯಾ ಕ್ಷೇತ್ರತ್ ಅರ್ಜಿಕ್ ಮಾರ್ಕ್ ಕಾರ್ಡ್ ಕಾಫಿ ಗೆಜೆಟೆಡ್ ಆಫೀಸರ್ ಸೈನ್ ಮಾಡ್ ಚಿಟ್ಟಿತಿರಂಡು) ತಾ.10.8.2013-ಂಡ ಒಳಿಯು: ಗೌರವ ಕಾರ್ಯದರ್ಶಿ, ಕೊಡವ ಸಮಾಜ, ನಂಬರ್ 7, 1ನೇ ಮುಖ್ಯ ರಸ್ತೆ, ವಸಂತನಗರ, ಬೆಂಗಳೂರ್-560 052. ಇಲ್ಲಿಕ್ ಆಯೆಕಂಡು.

ಚೇನಂಡ ಎ. ಮಾದಪ್ಪ
ಗೌರವ ಕಾರ್ಯದರ್ಶಿ



Sree Cauvery School

(Managed By Kodava Samaja Education Council)

Double Road, Indiranagar II Stage, Bangalore-38. Ph:080-2525 0894

CONGRATULATES

The Management, Principal & Staff, congratulates the school toppers at the SSLC Board Exams held in April 2013.

S.S.L.C TOPPERS



ARVIND S
97.92%



RAAGA K
97.28%



NISHANTH CHAKKERE R
97.28%



LAVANYA G
96%



MADULIKA M.S
96%



SURAJ BABU M
96%



KEERTHI KALIAH M
95.84%



TEJASWI K.S
95.52%



SHUBHANKA H.S
94.24%



PAVITHIRA M
93.12%



PRABHAKAR B
93.36%



SHREYA SHETTY K
91.20%



HEMANTH T
90.88%



VENKATESH VISHWAMITRA
90.88%



KAVYA V
90.88%

ಕೆ.ಆರ್.ಪುರ ಕಾವೇರಿ ಕೊಡವ ಸಂಘ

ಪುದಿಯ ಕಟ್ಟಡ ಉದ್ಘಾಟನೆ

ಫೋಟೋ



ಲೆಫ್ಟಿನೆಂಟ್ ಪದವಿಕ್

ಕೋಳಿರ ಬಿಪಿನ್ ಬೋಪಣ್ಣ



ಕೋಳಿರ ಕೆ. ಬೋಪಣ್ಣ(ಬಿಪಿನ್), ಡೆಹರಾಡೂನ್ ಇಂಡಿಯನ್ ಮಿಲಿಟರಿ ಅಕಾಡೆಮಿ(ಐಎಎ)ಲ್ ತಾ 8.6.2013ಂದ ನಡೆದ 'ಪಾಸಿಂಗ್ ಹೌಟ್' ಸಮಾರಂಭದ ಲೆಫ್ಟಿನೆಂಟ್ ಆಫೀಸರ್ ಆಯಿತ್ ಪದವಿ ಸ್ವೀಕಾರ ಮಾಡಿತ್. ಬೆಂಗಳೂರ್ ಇಂದಿರಾ ನಗರಕಾರ ಕೋಳಿರ ಕುಶಾಲಪ್ಪ-ಜ್ಯೋತಿ(ತಾಮನೆ:ಮೂಕೋಂಡ-ದೇವಣಗೇರಿ) ದಂಪತಿಯಡ ಪೆರಿಯ ಮೋಂಪೋ. ಬೋಪಣ್ಣ ಪೊನ್ನಂಪೇಟೆ ಕೂರ್ಗ್ ಇನ್ಸ್ಟಿಟ್ಯೂಟ್ ಆಫ್ ಟೆಕ್ನಾಲಜಿ (ಸಿಐಟಿ)ಲ್ ಇಂಜಿನಿಯರಿಂಗ್ ಮಾಡಿತ್ ಮಿಲಿಟರಿ ಅಕಾಡೆಮಿಕ್ ಕಮಿಷನ್ಡ್ ಆಫೀಸರ್ ಆಯಿತ್ ಕೂಡಚಿ. ಬೋಪಣ್ಣ ಬೆಂಗಳೂರ್ ಇಂದಿರಾ ನಗರ ಶ್ರೀ ಕಾವೇರಿ ಸ್ಕೂಲ್ಲ್ ಎಸ್ಸೆಸ್ಸೆಲ್ ಕೆತ್ತಣೆ ಓದಿತ್, ಅದಾನದು ಸೈಂಟ್ ಜೋಸೆಫ್ಸ್ ಪಿಯು ತಾತ್ ಮಿಂಞಾಕ್ ಪೋಯಿತ್.

ಮಲೇಷ್ಯಾತ್ ಕರಾಟೆ: ಜಡ್ಡು ಕುಪ್ಪಣಮಾಡ ವಸಂತ ಪೂವಯ್ಯ



ಮಲೇಷ್ಯಾತ್ ಇಕ್ಕಾಯಿತ್ ನಡೆಂದ 10ನೇ ಓಕಿನೋವಾ ಗೋಜು ರಿಯು ಕರಾಟೆ ಚಾಂಪಿಯನ್ ಶಿಫಲ್, ಬೆಂಗಳೂರುಲ್ಯ ಬುಡೋಕಾಯ್ ಕರಾಟೆ ಟ್ರೈನಿಂಗ್ ಸ್ಕೂಲ್ ಮುಖ್ಯಸ್ಥ, ಕುಪ್ಪಣಮಾಡ ಪಿ ವಸಂತ ಪೂವಯ್ಯ ಭಾಗವಹಿಸಿಂಜತ್. ವಸಂತ ಪೂವಯ್ಯ 7ನೇ ಡಾನ್ ಬ್ಲಾಕ್ ಬೆಲ್ವ ಪಡೆಂದಿರುಂಡ್.

ಮಳೆಗಾಲ ವಿಶೇಷ

ನಾಡಲ್ ನಾಟ ಪಣಿ : ಬೇಲ್ ಬೇಲ್ ಸೈಟ್ !



ಜುಲೈ-ಆಗಸ್ಟ್ ತಿಂಗತ್ ಕೊಡಗಲ್ ಐಪಣಿ ಜೋರ್. ಆಚೀಂಗಿ ಇಂದ್ ಕೊಡಗಲ್ ಬೇಲ್ ನಡಪಾನ ಕಮ್ಮಿ ಮಾಡ್ಯಂಡ್, ಅದಾನ ತೋಟ ಮಾಡಿಯಂಡ್ ಬಂದಂಡುಂಡ್. ಸುಮಾರ್ ಕೃಷಿಕಂಗ ಬೇಲ್ ಪಡ್ ಬುಟ್ಟದೂ ಉಂಡ್. ಭೂಮಿಕ್ ಕಾಲ ಕಾಲಕ್ ಬೋಂಡ್ ಮಳೆ ಬೂವತದೂ, ಆಳಡ ತೊಂದರೆ ಉಳ್ಳದೂ ಅಲ್ಲತೆ ನೆಲ್ ಬೊಳೆಯುವದ್ ಪೇರ್ತ್ ಖರ್ಚಿರದೂ ಆಯಿತುಳ್ಳಾನಗುಂಡ್ ಕೃಷಿಕ ಬೇಲ್ ತೋಟ ಮಾಡಿತ್ ಮಿಶ್ರ ಬೊಳೆ ಬೊಳಂದಂಡುಂಡ್. ಟೌನ್ ಪಕ್ಕತ್, ಮುಖ್ಯ ರಸ್ತೆ ಬರಿಯತ

ಅದೆಚ್ಚಕೋ ಬೇಲ್ ಸೈಟ್ ಮಾಡಿತ್ ಮಾರಿಯಂಡುಂಡ್. ಇಂಥಾಲ್ ಪುದಿಯ ಬಡಾವಣೆ, ನಲ್ಲ ನಲ್ಲ ಕಟ್ಟಡ ಪ್ಲಾಟ್ ನೇಂದಂಡುಂಡ್. ರಸ್ತೆ ಬರಿಯತ ಭೂಮಿಕ್ ಇಕ್ಕೆ ಏಕರೆಕ್ ಕೋಟಿ ಕೋಟಿ ಕ್ರಯ ಬಂದ್ ಟಿತ್. ಚೆರಿಯ ಟೌನ್ ಲೂ ಸೈಟ್ ಕ್ರಯ ಸೆಂಟ್ ದಂಡ್-ಮೂಂದ್ ಲಕ್ ದಾಟಿತ್. ಅಗೆ ಪೊರಿಪದ್, ಪೊಮ್ಮಕ್ಕಡ ಪಾಟ್ ಕೇಪದ್, ಆಣ್ಣಳ ನಾಟಿ ನಡಪದ್, ಒಯ್ಯ ಕಾಕುವದ್, ಓಡುವದ್.. ಎಲ್ಲಾ ದೂರ ದೂರ ಆಯಂಡುಂಡ್!

ಕಕ್ಕಡ ಕೋಳಿ, ಮದ್ದ ಪಾಯಸ : ಕಕ್ಕಡ 18.

ಆಗಸ್ಟ್ 3 ಂಗ್ ಕಕ್ಕಡ ಪದನಟ್ಟ್, ಮಳೆಗಾಲತ್ ಏದೇ ನಮ್ಮ ನಾಳ್ ಬಂದಲೇಂಗಿಂನೂ ನಾಟಿಪಣಿ, ತೋಟಪಣಿರ ಮಧ್ಯತ್ ಕಕ್ಕಡ ಪದನಟ್ಟಾಂಗ್ ಮದ್ದ ಪಾಯಸ ಉಂಬದೂ, ಕಕ್ಕಡ ಕೋಳಿ ತಿಂಬದೂ ಉಂಡ್. ಕಕ್ಕಡ ಪದನಟ್ಟಾಂಗ್ ಎಣ್ಣೆ ಆಗಸ್ಟ್ ಮೂಂದಾಂಗ್ ಕೊಡಗಲ್ ಕಟ್ ವ ಮದ್ದತೊಪ್ಪು ಕೊಜ್ಜ ಬಂದಿತ್ ಅದಂಡ ರಸ ಎಡತಿತ್ ಪಾಯಸ ಮಾಡಿತ್ ಉಂಬ. ಮದ್ದತೊಪ್ಪು ನೀಲಿ ರಂಗಲ್, ಕಕ್ಕಡ ಪದನಟ್ಟಾಂಗ್ ಪದನಟ್ಟ್ ತರತರ ಮದ್ದಪಲ ಕೂಡಿತಿಪ್ಪಾಂದ್ ಎಲ್ಲಾರೂ ಮದ್ದ ಕೂಳ್ ಉಂಬ. ನಗರತ್ ಸುಮಾರ್ ಜನ ನಾಡಂಜ ಮದ್ದ ತೊಪ್ಪು ಕೊಂಡಬಂದಿತ್ ಪಾಯಸ ಮಾಡಿತ್ ಉಂಬದೂ ನಡಪ. ಕೆಲವು ಜನ ಮನೆರ ಪಟ್ಟಿಕಂಡಿಲ್ ಮದ್ದತೊಪ್ಪು ಬೊಳತುವದೂ ಉಂಡ್. ಮದ್ದ ಪಾಯಸ ಅಲ್ಲತೆ ಮದ್ದತೊಪ್ಪು ರಸತ್ ಬೆಲ್ಲ ಇಟ್ಟಿತ್ ಮದ್ದಪುಟ್ಟ್

ಮಾಡುವ. ಅದೇ ಸಮಯತ್ ಮರಕೇಂಬುನ ಸಹ ಮದ್ದರ ಫಲ ಉಂಡೇಂದ್ ಸುಮಾರ್ ಕಡೆ ಪುಟ್ಟ ಮಾಡಿತ್ ತಿಂಬ. ಕಕ್ಕಡ ತಿಂಗತ್ ಕೋಳಿಕ್ ನೆಯ್ಯಿ ದುಂಬಿತಿಪ್ಪಾಂದ್ ಮನೆಲ್ ಚಾಕನ ಕೋಳಿನ ನೆರಚಿತ್ ತಿಂಬ. ಇನ್ನೆ ಮಳೆಗಾಲತ್ ಕಕ್ಕಡ ತಿಂಗತರ ಪೆದತೂ, ಪದನಟ್ಟಾಂಡ ಮಾರಿಪತ್ ಮದ್ದ ಪಾಯಸ, ಕೋಳಿ ಎಲ್ಲಾ ಕಟ್ಟುವ. ಮಳೆಗಾಲತ್ ಆಕ ನಾಟಿಕ್ ಇಲ್ಲೆ ಬಲ್ ತೇಂವ ನಾಟಿ ಮಾಡ್ವಂದ್ ಸುಮಾರ್ ಕಡೆ ಗದ್ದಳತರ ಊಟೋಪಚಾರ ಮಾಡ್ವ. ಇದಂಗ್ ಕಂಬಳ ನಾಟೇಂದ್ ಎಣ್ಣುವ. ಓಡಿತ್ ಬಂದಯಿಂಗಕ್ ಪಣ, ಬಾಳೆ ಕೊಲೆ ಪಿಂಞ ಕೊಡಿಯಲಡಿಕೆ /ತೆಂಗ್ ಎಣ್ಣಿತ್ ಮೂಂದ್ ಇನಾಮು ಕೊಡಪ. ಅಂದ್ ಮೀನ್ ಕರಿ ಇಲ್ಲೆ ಎರ್ಚಿ ಕರಿ ಗದ್ದಳತನ ನಾಟಕಾರಕ್ ಬಳೆಂಬುವ. ಸುಮಾರ್ ಭೂಮಿಲ್ ನಾಟಿ, ಬೇಲ್ ಪಣಿ ಇಲ್ಲತೆ ತೋಟ ಪಣಿಲ್ ಏದೇ ಕಂಬಳ, ಗಾಜಿ ಇಪ್ಪಲೆ. ಅದೂ ಇಕ್ಕಿಕ್ ಕಮ್ಮಿ-ಯಾಯಂಡ್ ಬಂದೆಟಿತ್.

ಪೊಂಬೊಳಕ್
ಬೆಂಗಳೂರ್ ಕೊಡವ ಸಮಾಜತ್
ಮೂಲಿಂಗ ಪತ್ರಿಕೆ
ಮೇ-ಜುಲೈ 2013
ಕಾಲ-9: ಸಂಚಿಕೆ-9
ಎಲ್ಲಾ ಹಕ್ಕುನ ಕಾತ್ ಬೆಚ್ಚಿತ್.

ಪೊಂಬೊಳಕ್ ಸಂಪಾದಕ
ಮಂಡಳಿ
ಸಂಪಾದಕ
ಪಳಂಗಂಡ ಕೆ. ಚಂಗಪ್ಪ

ಸಹ ಸಂಪಾದಕಂಗ
ಕೇಕಡ ಎಸ್. ಚಂಗಪ್ಪ
ನಂಬಿಯಪಂಡ
ಜಿ. ರಂಜು ನಾಣಯ್ಯ
ಬಲ್ಲಡಿಚಂಡ ಜಿ. ವಿಶ್ವನಾಥ್
ಮಾಳೇಟರ ಎ. ದೊರೆ ತಿಮ್ಮಯ್ಯ

ಬಲ್ಲಡಿಚಂಡ ಎ. ಮಾಚಯ್ಯ
ಖಜಾಂಚಿ, ಕೊಡವ ಸಮಾಜ
ಮುದ್ರಕ-ಪ್ರಕಾಶಕಂಗ

ಚೇನಂಡ ಎ. ಮಾದಪ್ಪ
ಕಾರ್ಯದರ್ಶಿ, ಕೊಡವ ಸಮಾಜ

ಮುದ್ರಣ
ಕಾವೇರಿ ಎಂಟರ್‌ಪ್ರೈಸಸ್
#18, 8ನೇ ಮುಖ್ಯರಸ್ತೆ, 8ನೇಕ್ರಾಸ್,
ಸಂಪಂಗಿರಾಮನಗರ,
ಬೆಂಗಳೂರ್- 560027
ಫೋ: 22128682,
9844081382

ಪೊಂಬೊಳಕ್ ಪತ್ರಿಕೆ
ಸುದ್ದಿ, ಲೇಖನ, ಜಾಹೀರಾತ್
ಅಯೆಪಕ್ ವಿಳಾಸ:
ಕಾರ್ಯದರ್ಶಿ/ಸಂಪಾದಕ
ಪೊಂಬೊಳಕ್ ಪತ್ರಿಕೆ
ಕೊಡವ ಸಮಾಜ ಬೆಂಗಳೂರ್
ನಂ 7, 1ನೇ ಮುಖ್ಯರಸ್ತೆ,
ವಸಂತನಗರ
ಬೆಂಗಳೂರ್-560052
kodavasamajablr@gmail.com
pombolak@gmail.com

ಪೊಂಬೊಳಕ್ ಪತ್ರಿಕೆ
ಜಾಹೀರಾತ್ ಕ್ರಯ ವಿವರ

ಮಲ್ಟಿ ಕಲರ್ ಪ್ರಿಂಟ್ :

ಬೆಂಬರಿ ಕವರ್
ಒರ್ ಪಾಳೆ : 20,000/-ಉ.
ಬೆಂಬರಿ ಕವರ್
ಅರೆ ಪಾಳೆ : 10,000/-ಉ.
ಬೆಂಬರಿ ಕವರ್
ಕಾಲ್ ಪಾಳೆ : 5,000/-ಉ.
ಬೆಂಬರಿ ಕವರ್
ಒಳ್ ಪಾಳೆ : 15,000/-ಉ.
ಬೆಂಬರಿ ಕವರ್
ಒಳ್ ಅರೆ ಪಾಳೆ: 7,500/-ಉ.

ಕರಪು-ಬೊಳಪು

White & Black ಪ್ರಿಂಟ್

ಒಳ್‌ಲ್
ಒರ್ ಪಾಳೆ : 8000/-ಉ.
ಒಳ್‌ಲ್
ಅರೆ ಪಾಳೆ : 4000/-ಉ.
ಒಳ್‌ಲ್
ಕಾಲ್ ಪಾಳೆ : 2000/-ಉ.
ಕನಿಷ್ಠ 9 ಸೆ.ಮೀ
x 2 ಕಾಲಂ : 750/-ಉ
ಜಾಹೀರಾತ್ ಪಣತ್‌ನ ಸಮಾಜಕ್
ಎತ್ತಿಚೆಡಂಡು.

ಸಂಪಾದಕೀಯ...

ನಂಗಡಲ್ಲ ರಾಜಕೀಯ ಒಗ್ಗಟ್ಟ್ ಬೋಂಡು

ಕೊಡವದಲ್ಲಿ ಪದ್ಧತಿ-ಪರಂಪರೆ, ಆಚಾರ-ವಿಚಾರ, ನಡಪು-ತೊಡಪು ಎಲ್ಲಾಂಗೂ ಒಗ್ಗಟ್ಟ್, ಒತ್ತೋಮೆ, ನಲ್ಲರಿಕೆ-ಬಲ್ಯರಿಕೆ ಎಲ್ಲಾ ಉಂಡೇಂದ್ ಎಣ್ಣಿಯವದೊಂದೇ ಕಾಂಬ. ಕಾಲ ಮರಂಜಿತ್, ದಿನ ಪೋಯಂಡುಳ್ಳನ್ನೆ ಕೊಡವದಲ್ಲಿಯೆ ಒಳ ಗುಂಪುಗಾರಿಕೆ, ಪರ-ವಿರೋಧ ತಕ್ಕ-ಬಾಕ್, ಕೆಲಸ-ಕಾರ್ಯ, ನಾಯಕತ್ವ, ಮುಂದಾಳತ್ವ ಎಲ್ಲಾ ಎದ್ದ ಕಾಂಬದ್ ಮಾಮೂಲಾಯಿತಿತ್. ಕೊಡಗಲ್ ಕೊಡಗರ್/ಕೊಡವದ ನಲ್ಲಮೆಕಾಯಿತ್ ಅದೆಚ್ಚಕೋ ಸಂಘಟನೆ ಬೋರೆ ಬೋರೆ ಉದ್ದೇಶತ್ ಪುಟ್ಟಿಯಂಡ್ ಕಾರ್ಬಾರ್ ಮಾಡಿಯಂಡಿಂಜಕೋ ಬಲ್ಯ ಒಳ ರಾಜಕೀಯತ್ ಅದ್ ಎದ್ದೋ ಕಾರ್ಬಾರ್/ಉದ್ದೇಶತ್ ಫಲ ಸೆರಿಕ್ ಕಟ್ಟಿಯಂಡಿಲ್ಲೆ.

ಒಟ್ಟಾರೆ ಜಿಲ್ಲೆಲ್ ಸುಮಾರ್ ಓರ್ ಲಕ್ಷಾರ್ಚ್ಕ ಉಳ್ಳ ನಂಗಡ ಜನ ಸಂಖ್ಯೆಲ್, ಜನಾಂಗ ಎದ್ದ ಕಾಂಗತಾಯಂಡ್ ಉಂಡ್. ಕೊಡವಂಡ ಬೊಳಚಿಕ್ ಕೊಡವನೇ ಕತ್ತಿ ಬೆಪ್ಪನ್ನತ ಪರಿಸ್ಥಿತಿಯೂ ಅಧಿಯಾಯಿತ್. ಕೊಡಗರ್ ಸಂಘ-ಸಂಸ್ಥೆಲ್ ವಿಪರೀತ ರಾಜಕೀಯ ದುಂಬಿತ್ ಎಲ್ಲಾಂಡ ಮಧ್ಯ ಕೊಡವಕ್ ಅದೆಚ್ಚಕೋ ಸೌಕರ್ಯ-ಸೌಲಭ್ಯ ಕಟ್ಟಿಯಂಡಿಲ್ಲೆ. ಸೇವೆ-ಸಾಧನೆ ಮಾಡ್‌ವಕ್ ಅವಕಾಶವೂ ತಪ್ಪಿ ಪೋಯಂಡುಂಡ್. ಗ್ರಾಮ ಮಟ್ಟತಂಜ ಜಿಲ್ಲೆರ ಮಟ್ಟಕತ್ತಣೆ ಕೊಡವದ ಕೈಕ್ ಎದೇ ಅಧಿಕಾರ ಕಟ್ಟತನ್ನೆ ಪಕ್ಕತ್ ಜನಾಂಗ ಪೈಪೋಟಿಕ್ ಇಳಿಂಜಿತ್. ಬಂದ್ ಕೊಡನ ಪೊರ್ಮೆತರವು ಒಗ್ಗಟ್ಟಲ್ ಮೂಲ ನಿವಾಸಿಯಳ ಮೂಲೆಕ್ ಕೂಟವಕ್ ಕೈ ತೆಕ್ಕಿ ನಿಂದಂಡ್ ಕಣಿಚೆಂಡುಂಡ್. ಕೂಡ ನೆರೆಕೆರೆಕಾರಳೂ ಪೊರ್ಮೆತರಯಿನ ಚಾಕಿ ಪೊಲತಿಯಂಡ್ ಪೋಯಂಡುಳ್ಳದ್ ನಂಗಡ ಜನಾಂಗಕೋರ್ ಇಾಣ ಕೇಡ್.

ನಂಗಡಲ್ಲಿ ಸರ್ಕಾರಿ ಸೌಲಭ್ಯ ಕಟ್ಟಂಡಿಕೆ ರಾಜಕೀಯ ಬೆಂಬಲ ಪಿಂಚ ಸ್ವಂತ ಶಕ್ತಿ ಬೋಂಡು. ಎಲ್ಲ ಕೋವುಲ್ ಕೈ ಮುಂದನವಂಡ ಕಾರ್ಯ ನಡಪ. ನಲ್ಲ ಬಲ್ಯ ಪದವಿಲ್ ಪೋಯಂಡುಳ್ಳಯಿನ, ಸೇವೆ-ಸಾಧನೆ-ಸ್ಥಾನಮಾನತ್ ಉಳ್ಳ ಅಭಿಮಾನಿಯಳ, ಪಣಕಾಸ್ ಅನುಕೂಲ ಉಳ್ಳ ದಾನಿಯಳ, ಸಹಾಯ ಮಾಡ್‌ವ ನಂಗಡಯಿನ ಬೋರೆವು ನಂಗಡಯಿಂಡ ಕೂಡ ಕೂಡಿತ್ ಚದಿಚೆಂಡುಂಡ್. ಇನ್ನನಾಯಿತ್ ಜಿಲ್ಲೆಲ್ ಕೊಡವದ ಮುಂದಾಳನ ವಹಿಸ್‌ನಯಿಂಡ ಮೀದ ಚೆರಿಯ ತಪ್ಪುಕ್ ಬೋರೆ ಬೋರೆ ಆನ ಬಲ್ಯ ಅಪವಾದ ಉಂಡ್. ಅದೆಚ್ಚಕೋ ದೂರ್ ಬೋರೆ ಕೇಪ, ಕೂಡ ಕೇಸ್ ಬುದ್ದಿತ್. ಪೋಲೀಸ್ ಸ್ಟೇಶನ್, ಕೋರ್ಟ್‌ಂದ್ ಅಲಂದಂಡೂ ಉಂಡ್. ಬೋರೆವು ನಂಗಡ ಕಷ್ಟತನ ನೋಟಿತ್ ತೆಳ್‌ಚೆಂಡುಂಡ್. ಒಟ್ಟಾರೆ ನಂಗಡವು ಎಲ್ಲಾ ತರತಲೂ ನೆಮ್ಮದಿನ ಕಳಂದಂಡಿತ್.

ಕೊಡವಕ್ ಕೊಡವದ ಸಾಂಸ್ಕೃತಿಕ ಸಿರಿನ ಕೊಂಡಾಡುವಕ್ ಆಸ್ತದ ಕಮ್ಮಿ ಕೊಡವ ಜನಾಂಗ ಎಣ್ಣಿಕ ಉದಾಸೀನತೆಲ್ ಈ ರಾಜಕೀಯ ಪುಡಾರಿಯ ಕಾಂಬದ್ ಜೋರಾಯಿತ್. ಕೊಡವದ ನೆಲೆನ ಪೊಳಿಕಂಡು. ಅಯಿಂಡ ಸೊತ್, ಆಸಿ-ಪಾಸಿನ ಬಲಿಕಂಡು, ಅವು/ಅಂವೊ ನಂದಾಪಕಾಗಾಂದ್ ಗೇನ ಮಾಡ್‌ವದೇ ಇಂದ್ ನಡಪದ್ ಕಾಂಬ. ಇನ್ನನಾಯಿತ್ ಕೊಡಗಲ್ ಮುಖ್ಯ ಪಟ್ಟವು, ಎದೇದಂಗೋ ಮುಂದಾಳನ ವಹಿಸ್‌ನವು, ಪೋರಾಡ್‌ನವು ಕುಡಂಗಿ ಪೋಯಂಡುಂಡ್. ಒಟ್ಟಾರೆ ಕೊಡವ ನಾಯಕತ್ವಕ್ ಕಷ್ಟ-ನಷ್ಟ ಬಂದಂಡುಂಡ್. ಈ ನಾಟ್‌ಲ್ ನಂಗಡಲ್ಲಿ ರಾಜಕೀಯ ಒಗ್ಗಟ್ಟ್ ಬೊಳೆಯಂಡು. ಕೊಡವ ಎದೇದೋ ಪಾರ್ತಿ-ಪಂಗಡ-ಗುಂಪುಲ್-ಸಂಘಟನೆಲ್ ಇಂಜಕೋ ಕೊಡವ ಎಣ್ಣಿಕ ಒಗ್ಗಟ್ಟಲ್ ಪೇಚಾಡ್‌ವನ್ನೆ ಆಕಂಡು. ಕೊಡವಕ್/ಕೊಡಗಕ್ ಕಷ್ಟ ಬಂದಕ ಒಗ್ಗಟ್ಟ್ ಒತ್ತೋಮೆಲ್ ಪಕ್ಕ-ಪಾರ್ತಿ ಬುಟ್ಟಿತ್ ಕಾರ್ಬಾರ್ ಮಾಡ್‌ವನ್ನೆ ಆಕಂಡು. ಚುನಾವಣೆಲ್, ಅಧಿಕಾರತ್ ಇಪ್ಪಕ್ ಪಾರ್ತಿ ಕೆಲಸ, ಜವಾಬ್ದಾರಿ ಇರಂಡು. ಅದ್ ಬುಟ್ಟಿತ್ ಕೊಡವ-ಕೊಡವಾಮೆಂದ್ ಬಪ್ಪಕ್, ಕೊಡವಕ್ ಅನ್ಯಾಯ ಆಪಕ್, ಕೊಡವಳ ಚದಿಪಕ್ ಈ ರಾಜಕೀಯಕಾರ ಜನಾಂಗಕಾಯಿತ್ ಒಂದಾಯಿಟಕ ನಂಗಡಲ್ಲಿ ಎದೇ ತೊಂದರೆ ಬಪ್ಪಕಿಲ್ಲೆ. ದಾರ್‌ಕೂ ಕಷ್ಟ-ನಷ್ಟ ಆಪಕಿಲ್ಲೆ.

ನಂಗ ಮೈಸೂರ್‌ಕಾರ ಇಲ್ಲೇಂಗಿ ಮಂಡ್ಯಕಾರಳ ನೋಟಿತ್ ಪಡಿಪಕೂ ಉಂಡ್. ನೀರ್‌ರದೋ, ಬೋರೆ ಎದೇಂಗಿ ತೊಂದರೆ ಇಂಜಕ ಅಲ್ಲಿಯತ್‌ರವು ಪಕ್ಕ-ಪಾರ್ತಿ ಬುಟ್ಟಿತ್ ಒಗ್ಗಟ್ಟಲ್ ಪೇಚಾಡ್‌ವ. ಪದವಿಕ್ ರಾಜೀನಾಮೆ ಕೊಡತಿತ್ ಒಂದಾಯಿತ್ ಕೂಡುವ. ಇಂಥ ಒಗ್ಗಟ್ಟ್ ನಂಗಡ ಸಂಸ್ಕೃತಿಲ್ ಇಂಜದ್ ಕ್ರಮೇಣ ದೂರಾಯಂಡ್ ಪೋಯಿತ್‌ಂದ್ ಅರಿವಕ್ ಬೇಜಾರಾಪ. ಬದ್‌ಕ್, ಪಣಕಾಸ್ ಅನುಕೂಲತ್ ಬಲ್ಯರಿಕೆಯೂ ಇದಂಗ್ ಚೆನ್ನ ಕಾರಣಂದ್ ಎಣ್ಣಿಲು. ಮಿಂಚಾಕ್ ನಂಗಡಲ್ಲಿ ರಾಜಕೀಯ ಒಗ್ಗಟ್ಟ್ ಬೋಂಡು. ಪಕ್ಕ ಪಾರ್ತಿಕಾರಡ ಗುಂಪುಗಾರಿಕೆ, ಅಧಿಕಾರ, ದರ್ಬಾರ್, ಹಿಂಸೆ, ಅನ್ಯಾಯ ನಂಗಡ ಜನಾಂಗಕ್ ಬರತನ್ನೆ ತಡ್‌ಪಕ್ ಇದೊಂದೇ ಸರಿಯಾನ ಬಟ್ಟಿ ಅಭಿಮಾನತ್, ಸ್ವಾರ್ಥ ಬುಟ್ಟಿತ್ ರಾಜಕೀಯಕಾರ ಒಂದಾನಕ ನಂಗಡ ಜಿಲ್ಲೆ, ಜನಾಂಗ ನಂದಾಪ.

ಪಳಂಗಂಡ ಕೆ. ಚಂಗಪ್ಪ
ಸಂಪಾದಕ

ಇ ಮೇಲ್ : chengappak@gmail.com

ಚುಟುಕ:

ಅಕ್ಷೇರಿಯಂ ಮೀನ್!

ವಯಸ್ಸುಗಳ ಕೊಡಗಂಜ ಬೆಂಗಳೂರ್‌ಕ್
ಕೂಟಿಯ ಬಾತೇಂಗಿ ನೀನ್
ಪಾಪ ಅಯಿಂಡ ಅವಸ್ಥೆ ಅಕ್ಷೇರಿಯಂಲ್
ಉಳ್ಳ ಮೀನ್!

ಕೊಡವಕ್ ಕುಟ್ಟಿ!

ಕೊಡವ ಎಣ್ಣುವ ಕೋಳಿ ಕುಂಚ್
ಕಡಚಿ ಕುಂಚ್ ಕೊಡವ ಕುಂಚ್
ಕೊಡವತಿ ಪೊರ ಚಾತಿನ ಮಂಗಲಾಚೇಂಗಿ
ಅವಡ ಕುಂಚ್ ಕೊಡವಕ್ ಕುಟ್ಟಿ!

ಗೆದ್ದವು-ಎಚ್ಚರ!

ಎಲೆಕ್ಷನ್‌ಕ್ ಮುಪ್ಪಡೆ ಟಿಕೇಟ್‌ಕ್
ಪುಡಾರಿಯ ಕಡಚಿ ಬೂವ.
ಗೆದ್ದವು ಬಯ್ಯಂಜಿ
ನಂಗಲೇ ಕಡಿಪಕ್ ಬಪ್ಪ ಬಾವ!

ಸಮಾಜ ಮೆಂಬರ್!

ಪೊರಚಾತಿ ಮಂಗಲ ಆನಯಿಂಗಕ್
ಇಲ್ಲೆ ಕೊಡವ ಸಮಾಜ ಮೆಂಬರ್
ಸಂಸ್ಕೃತಿ ಕಾಪದ್ ನಂಗಡ ಗುರಿ
ನಂಗಕ್ ಬೋಂಡ ಜಾಸ್ತಿ ನಂಬರ್!

ಓಪನ್ ಬಾರ್:ಪೋಚಿ ಆಯಿರ

ಮಂಗಲತ್ ಇಂಜತ್ ಓಪನ್ ಬಾರ್
ಕುಡಚತ್ ಅವ ನಾಲ್ ಕುಪ್ಪಿ ಬೀರ್
ಪೋಪಕ್ ಇಂಜತ್ ಮಾರುತಿ ಕಾರ್
ಕಾರ್‌ಕಿಂಜಿಲೆ ಮಾಮೂಲಿ ಡ್ರೈವರ್
ಟ್ರಾಫಿಕ್ ಪೋಲೀಸ್‌ಕ್ ಕೊಡ್ತತ್
ಆಯಿರತ ಆರ್‌ನೂರ್!

-ನಂಬಿಯಪಂಡ ರಂಜು ನಾಣಯ್ಯ
ದಾಸರಳ್ಳಿ, ಬೆಂಗಳೂರ್.

ದಂಡ್ ತಕ್ಕ

- ಪ್ರಪಂಚತ್‌ನ ಬಲ್ಯ ಮನಸ್‌ಲ್ ನೋಟ್‌ವಾನ ಪಡಿಕಂಡು.
- ಎಕ್ಕಲೂ ತೆಳಿಚಂಡೆ ಇರಿ. ತೆಳಿ ಮನಸ್‌ರ ಒತ್ತಡ ಕಮ್ಮಿ ಮಾಡುವ. ತೆಳಿನುಂಡ್ ತಡಿಲ್ ಜೋರೆ ಓಡಿಕಳಿ ಚಾಯಾಪ. ಮೂಡಲ್ ನರಕ್ ನಲ್ಲದಾಪ; ನಲ್ಲ ಕಳಿ ಬಪ್ಪ.
- ಬದ್‌ಕ್‌ಲ್ ಮಿಂಚಾಕ್ ಪೋಪಕ್ ಪ್ರೇರಣೆ ಪಿಂಚ ಪೋತ್ತಾಪ ಅವಶ್ಯ. ನಂಗ ಅದನ ಪೊರ್ಮೆಂಜಿ ತೇಡ್ ವಾಂಗಿಂಜಿ ನಂಗಡೊಳ್‌ಲೇ ನೋಟಿಯಂಡ್, ನಂಗಲೇ ಪ್ರೇರಕ ಶಕ್ತಿಯಾಕಂಡು

ಮಡಿಕೇರಿಲ್ ಖಾಲಿಯಾನ

ಜನರಲ್ ಕೆ. ಎಸ್. ತಿಮ್ಮಯ್ಯಂಡ 'ಸನ್ನಿ ಸೈಡ್'

ಮಡಿಕೇರಿಲ್ ಜ. ಕೊಡಂದೇರ ಎಸ್. ತಿಮ್ಮಯ್ಯಂಡ ಪುಟ್ಟನ ಮನೆ 'ಸನ್ನಿ ಸೈಡ್'ಲ್ ನಡಂದಂಡಿಂಜ ಪ್ರಾದೇಶಿಕ ಸಾರಿಗೆ ಕಚೇರಿ(ಆರ್.ಟಿ.ಓ)ನ್ ತಾ.24-06-2013ಲ್ ಖಾಲಿ ಮಾಡಿತ್ ಕಳಕೇರಿ ನಿಡುಗಣೆರ ಪುದಿಯ ಕಟ್ಟಡಕ್ ಮಾತಿತ್. ಈ ಸನ್ನಿ ಸೈಡ್ ಕಟ್ಟಡತ್‌ನ ವಾರ್ ಮ್ಯೂಸಿಯಂ ಮಾಡ್‌ವದುಂಡ್‌ಲೊ. ಪ್ರಯತ್ನ ನಡಂದಂಡಿಂಜತ್.

ಗೋಣಿಕೊಪ್ಪ ಕಾವೇರಿ ಕಾಲೇಜ್

ಪಟ್ಟಡ ಎ. ಪೂವಣ್ಣ - ಪ್ರಿನ್ಸಿಪಾಲ್

ಗೋಣಿಕೊಪ್ಪ ಕಾವೇರಿ ಕಾಲೇಜ್‌ರ ಪುದಿಯ ಪ್ರಿನ್ಸಿಪಾಲ್ ಆಯಿತ್ ಪ್ರೊಫೆಸರ್ ಪಟ್ಟಡ ಎ. ಪೂವಣ್ಣ ಅಧಿಕಾರವಹಿಸಿಯಂಡಿತ್

ಚಿರ ಕಥೆ

ಮಾದ

-ನಂಬಿಯಪಂಡ ರಂಜು ನಾಣಯ್ಯ
ದಾಸರಳ್ಳಿ, ಬೆಂಗಳೂರು

‘ನಮಸ್ಕಾರ ಡಾಕ್ಟರ್’ ಎಂದ ಸ್ವರ ಕೇಳಿಕೆ ಎದೋ ಎಕ್ಸ್-ರೇ ಪಾಳೆ ನೋಟಿಯಂಡಿಂಜ ಡಾ. ಅಕ್ಕಮ್ಮ ಅತಟಿ ತಿರಿತ್ ಬಾರಿ ಅವಯ್ಯ ಎನ್ನೆನೆ ಉಳ್ಳಿರಾ ಇಕ್ಕಾ?ಂದ್ ಕೇಟಿತ್. ಅವಡ ಕುಸಿ ದುಂಬನ ಆ ಕಾಕುವಾನೇ ಕಾತಂಡಿಂಜನ್ನೆ ಕಷ್ಟತ್ ಬಂದಿತ್ ಡಾಕ್ಟರ್ ಎದಿಕೆ ಕುರ್ಚಿಲಳ್ ಪ ಆ 75-80 ಬಯತ್ ಅವಯ್ಯ.

ಮಂಡೆ ದುಂಬಾ ಬೊಳ್ ತಲ್ಮಿ, ಬೊಳ್ ಪೊಡಿಯ, ಬೋಳೆಲ್ ಓರ್ ಚೆರಿಯ ಪೊನ್ನರ ಸರ. ಕಣ್ಣ್ ಕನ್ನಡಿ. ಮೂಡಲ್ ಕಷ್ಟತ್ ಬದ್ ಕೆಯಿಂಜ ಗೆರೆ. ಆಚೇಂಗ್ಲಾ ಎನ್ನತದೋ ಓರ್ ಲಕ್ಷಣ ಇಂಜತ್ ಆ ಮೂಡಲ್.

ಡಾ. ಅಕ್ಕಮ್ಮ ಬೈಡ್ ಪ್ರೆಸರ್ ಚೆಕ್ ಮಾಡಿರುವಂಜ ನೀನೆನ್ನಂಗ್ ಬಂದಿಯ ಅವಯ್ಯ ಇಕ್ಕ ನಾನೇ ಕ್ಲಿನಿಕ್ ಮುಚ್ಚನದು ನೀಡ ಮನೆಕ್ ಬಪ್ಪಕಿಂಜಲ್ಲ?

ಈ ಪಾಳಾನ ಮನಸ್ ಕೇಕಂಡುವಲ್ಲಾ ವೋಳ್. ಕಯಿಂಜ ವಾರ ನೀನ್ ಬೆಂಗಳೂರ್ ಪೋಪಿಂ-ದಣ್ಣಿಂಜಿಯಲ್ಲ. ಇಚ್ಚೆ ದಿನ ಆನಕಲೂ ನಿನ್ನ ಕಂಡಲೆಲ್ಲಾ ಅದಂಗ್ ನಾನೇ ಬಂದಾಟ.

ಡಾ. ಅಕ್ಕಮ್ಮ ಎನ್ನತದೋ ಗೇನ ಮಾಡಿಯಂಡ್ ಅಲ್ಲಿಂಜತ್. ಅನ್ನನೇ ಪ್ಲಾಸ್ಟಿಂಜ ಕಾಪಿನ ಚೆನ್ನ ಬೂಕಿತ್ ಅವಯ್ಯಂಗ್ ಕೊಡ್ಕಣೆ, ಕಾಪಿ ಕೇಟಂಡ್ ನಾಡ ಮೋಂವನ ಕಂಡಿಯ ಮೋಳೆ. ಎಕ್ ಬಪ್ಪಲೋ? ನಾನ್ ಅಯೆಚ ರವೆ ಉಂಡೆ, ಬಡವ ಕಜ್ಜಾಯ ಅವಂಗ್ ಕೊಡಿ-ಯಾಂಡ್ ಕೇಪಕ ಅಕ್ಕಮ್ಮಂಡ ಮನಸ್ ಎನ್ನತದೋ ಬೇಜಾರ!

‘ಎಲ್ಲಾ ಎಣ್ಣುವಿ. ನಿಂಗ ಕಾಪಿ ಕುಡಿಂ’ಂದ್ ಎಣ್ಣನ ಡಾ.ಅಕ್ಕ-ಮ್ಮಂಗ್ ದುಂಬಾ ಬೇಜಾರ ಆಯಿಂಡಿಂಜತ್. ಇಡೀ ಪ್ರಪಂಚತರ್ ಮೀದ ಪ್ರೀತಿ, ವಿಶ್ವಾಸ, ಮೋಸ, ಚದಿ, ತಿರಸ್ಕಾರ.. ನಂಗಡ ಸುತ್-ಮುತ್ ಉಳ್ಳವು ಎಚ್ಚೆಕ್ ಸ್ಪರ್ಧಿಯ. ಈ ಪೆತ್ತಯಿಂಗಳೇ ಗೊತ್ತಾಪುಲೆ ತಾಂಡ ಮೋಂವೊ ಕುಂಇಂದ್ ತಾಂಗ್ - ಇಲ್ಲೇಂಗ್ಲಾ ಮಕ್ಕಕೇಂದ್ ಮುಚ್ಚಿತ್ ಬಪ್ಪ. ಆಚೇಂಗಿ ಅವು ಮಾಡುವ ಕಾರ್ಬಾನ್ ಗೇನ ಮಾಡ್ವಕ ಕೆಲತ್ ತಿತ್ ಕರುವ ಮನಸ್ಸಲೇ ಎಣ್ಣೆಯೆಂಡ್ ಅವಯ್ಯಂಡ್ ಮೂಡ್ ನೋಟುವ.

‘ನಾನ್ ಬೆಂಗಳೂರ್ ಚೆರಿಯ

ಬಯತ್ಲೇ ಅಪ್ಪವನ ಆಕ್ಸಿಡೆಂಟ್ ಕಳಂದಂಡ್, ದಂದ್ ಅಪ ಶಕುನ ಕುಂಇಂದ್ ಅನಾಥಾಶ್ರಮಕ್ ಕೂಟನಲ್ಲಿ, ಅಣ್ಣ-ತಮ್ಮಣ್, ಆಂಟಿ-ಅಂಕಲ್, ಅಜ್ಜ-ಅಜ್ಜ.. ದಾರೂ ಇಲ್ಲತೆ ಎದೋ ಮಕ್ಕಡ ಕೂಡ ಓದಿಯಂಡ್ ಬೊಳಂದವ. ಸ್ಕಾಲರ್ಶಿಪ್ ಪಡಂದಿತ್, ಎಂ.ಬಿ.ಬಿ.ಎಸ್ ಮಾಡಿತ್ ನಾನ್ ಕೊಡವತಿ, ಕೊಡಗಲ್ ಬದ್ಕೊಂಡೂಂಡ್, ಕೊಡಗರ ಜನಕ್ ಎನ್ನೇಂಗಿ ಸಹಾಯ ಮಾಡಂಡೂಂಡ್ ಪೇಟೆಲ್ ಚೆರಿಯ ಕ್ಲಿನಿಕ್ ಬೆಚ್ಚಪಿಂಇ ಅಲ್ಲಿಯೆರ್ ಬದ್ ನಾಕ್ ಎರ ಕುಸಿಯಾಚೆಂದ್ ಡಾ. ಅಕ್ಕಮ್ಮ ಗೇನ ಮಾಡುವ.

ಅನ್ನನೇ ಇಪ್ಪಕ ತಾಂಡ ಕ್ಲಿನಿಕ್ ಪಕ್ಕತೆ ಚೆರಿಯ ಓಡ್ ಹಂಚಿ ಮನೆಲ್ ಒರ್ ಅವಯ್ಯ ಕ್ಲಿನಿಕ್ ಬಂದಿತ್ ಬಿಪಿ, ಸುಗರ್ ಇನ್ನು-ಲಿನ್ ಎಡ್ಂಡ್ ಪೋಪಂಜತ್. ದುಂಬಾ ಹುಷಾರಿಲ್ಲತಾನಲ್ಲಿ ಡಾ.ಅಕ್ಕಮ್ಮ ಅವಯ್ಯಂಡ ಮನೆಕ್ ಪೋಯಿತ್ ಮದ್ದ ಕೊಡಂಜತ್. ಅವಯ್ಯ ಒರೊಮ್ಮ ಕಡಂಬುಟ್, ಶುಂಟಿ ಪಜ್ಜಿ, ಕೋಳಿ ಕರಿ ಒಟ್ಟಿ. ಇನ್ನೆದಲ್ಲ ಮಾಡಿತ್ ಉಂಬಕ್ ಎಣ್ಣುವಕ ತಾನ್ ಬಾಲ್ಯತ್ ಅಮ್ಮಂಡ ಕೈಂಜ ಕಟ್ಟನಾನ ಇಕ್ಕ ಪಡ್ಂದಚ್ಚೆಕ್ ಕುಸಿ ಪಡೋಂ-ಜತ್ ಡಾ. ಅಕ್ಕಮ್ಮ ತಾಂಡ ಸ್ವಂತ ಅವನ ಕಟ್ಟನಚ್ಚೆಕ್ ತೈಪಿಲ್ ಡಾ. ಅಕ್ಕಮ್ಮ ಅವಯ್ಯಂಡ ಕೈಂಜ ಮದ್ದ ಮರೆಕ್ ದುಡ್ಡೇ ಕೇಟೊಂಜಿಲೆ.

ಅವಯ್ಯನಂತು ಎಕ್ಕಲೂ ಮೋಂವಂಡದೇ ವಿಷಯ ತಕ್ಕ ಪರೆವಂಜತ್. ತಾಂಡ ಮೋಂ-ವೊ ಚೆರಿಯಾತ್ ಇಪ್ಪಕಲೇ ಅಪ್ಪ ಚತ್ ಪೋಚಿ. ನಾನ್ ಅಂವೊಂಗಾಯಿತ್ ಪೇಚಾಡಿ-ಯೆ. ಅವನ ಓದಾಚೆವ-ಕಾಯಿತ್ ಇಂಜ ಚೆನ್ನ ಬೇಲ್-ತೋಟತನ ಮಾರಿತ್ ಪೇಟೆಲ್ ಚೆರಿಯ ಮನೆ ಎಡ್ಂಡ್ ಬಾಕಿ ದುಡ್ಡಲ್ ಕುಂಇಕ್ ವಿದ್ಯಾಭ್ಯಾಸ ಕೊಡಿಂ. ಸ್ಕಾಲರ್ಶಿಪ್ ಹುಷಾರ್ ಕಣ್ಣನಾಯಿತಿಂಜತ್. ಓದಿಯಂಡ್, ಅಂವೊ ಬಲ್-ದಾಯಂಡ್ ಬಂದನ್ನೆ.. ಬಯ್ಯ ಬಯ್ಯ ದುಡ್ಡರ್ ತಾಪತ್ತೆ ಬಪ್ಪಕ ದುಂಬಾ ಕಷ್ಟ ಪಟ್ಟಿಯೆ.

ಅಲ್ಲಿಂಜ ಓದಿತ್ ಡಿಗ್ರಿ ಮಾಡಿ-ಯಂಡ್ ಮೋಂವೊ ಬೆಂಗಳೂರ್ ಪೋಯಿತ್ ಚಾಕ್ರಿಕ್ ಕೂಡಚಿ. ಸುರೂಲ್ ನಾಕ್ ತಿಂಗಕ್ ಆಯಿರ ಉರಪಿಯ ಅಯೆಚಿ ತಪ್ಪಂಜತ್. ನನ್ನ ಸುಮಾರ್ ಕುರಿ ಬೆಂಗಳೂರ್

ಬಂದ್ಂದ್ ಕಾಕಿಯಂ-ಡಿಂಜತ್. ನಾಕ್ ಈ ಮಣ್ ಬುಟ್ಟ್ ಪೋಪಕ್ ಕುಸಿ ಇಚಿಚಿಲೆ.

ಮೋಂವೊ ಚೆನ್ನ ಸಮಯತ್ ಅಲ್ಲಿ ಬೋರೆ ಜಾತಿರ್ಕರ್-ಯೊಬ್ಬಳ ಮಂಗಲಕಯಿ-ಚಂಡತ್. ಒಮ್ಮ ಅವಳ ಕೂಟಿಯಂಡ್ ಪೇಟೆ ಮನೆಕ್ ಬಾತ್. ಮೈಮ ಕೊಡವತಿ ಅಲ್ಲೇಂಗ್ಲಾ, ಬೇಜಾರತ್ ನಾನ್ ಇಗ್ಗುತಪ್ಪ ದೇವಸ್ಥಾನಕ್ ಇಯಿಂಗಳ ಕೂಟಿಯಂ-ಪೋಯಿತ್ ಪೂಜೆ ಕಯಿಪ್-ಚಿಟ್ಟಿಯೆ. ಇಕ್ಕ ಅಂವೊಂಗ್ ದಂಡ್ ಮಕ್ಕ ಉಂಡ್. ಅವಂಡ ಪೂಣ್ಣಕ್ ನಂಗಡ ಕೋಳಿ ಕರಿ, ಒಟ್ಟಿ ಪುಟ್ ದುಂಬಾ ಕುಸಿಯಾಪಂಜತ್. ನಾಕ್ ಅವ ಪೊಡಿಯ, ಸ್ವಟರ್ ಎಲ್ಲಾ ತಂದಿತ್. ಬೆಂಗಳೂರಂಜ ಪೋನ್ ಮಾಡಿಯಂಡಿಂಜತ್. ಬಯ್ಯ ಬಯ್ಯಂಜಿ ಎಲ್ಲಾ ಕಮ್ಮಿಯಾಚಿ. ಇಕ್ಕ ಎದೂ ಇಲ್ಲತೆ ನಾಕ್ ಕಾಂಬಕಾಯಿ ಪೋಯಿತ್.

ನಾನ್ ಅಂವೊಂಡ ಮನೆ ಅಡ್ಡೆಸ್, ಪೋನ್ ನಂಬರ್ ತಪ್ಪಿ. ಅವನ ಕಂಡಿತ್, ನಾನ್ ತಪ್ಪ ರವೆ ಉಂಡೆ, ಬಡವ ಕಜ್ಜಾಯತನ ಅಂವೊಂಗ್ ಎತ್ಚಿಡ್-ವಿಯಾಂಡ್ ಅವಯ್ಯ ಕೇಪಕ ಡಾ. ಅಕ್ಕಮ್ಮಂಗ್ ಪ್ರೀತಿ ಉಕ್ಕಿಯಂಡ್ ಬಾತ್. ನಾನ್ ಕಾರ್ಬರ್ ಮೀದ ಬೆಂಗಳೂರ್ ಪೋಪದುಳ್ಳಾನ-ಗುಂಡ್ ಖಂಡಿತಾ ಅಯಿಂಡ-ಲ್ಲಿಕ್ ಪೋಯಿತ್ ಬಪ್ಪಿಂಡ್ ಅವಯ್ಯಂಗ್ ಎಣ್ಣುವ.

ಡಾ. ಅಕ್ಕಮ್ಮ ಬೆಂಗಳೂರ್ಲ್ ತಾಂಡ ಕೆಲ್ಲ್ ತೇತಂಡ್, ಅವಯ್ಯಂಡ ಮೋಂವೊನ ತೇಡಿಯಂಡ್ ಎಂ.ಜಿ. ರಸ್ತೆರ ಆಫೀಸ್ ಪೋಚಿ. ಅಲ್ಲಿ ಪರಸ್ಪರ ಪರಿಚಯ ಮಾಡಿ-ಯಂಡ್ ಅವಯ್ಯ ಕೊಡ್ ತಿಂಡಿನ ಕೊಡತ್. ಮೋಂವೊ ಅದನ ಕೇಟಂಡ್ ಅಲ್ಲಿಯೇ ಇಂಜ ಅಟೆಂಡರ್ ಕೊಡತ್, ನಾಕ್ ಇಕ್ಕ ಪುರಸೊತ್ತಿಲ್ಲೆ. ನಿಂಗ ಬಂದಾಂಗ್ ಧ್ಯಾಂಕ್. ಅಮ್ಮನ ಚಾಯಿಲ್ ನೋಟೋಳಿ. ಆ ಖರ್ಚ್ ವೆಚ್ಚ ಎನ್ನುಂಡೇಂ-ಗಿಯೂ ನಾನೇ ತಪ್ಪಿಂಡ್ ಎಣ್ಣಿರುವಂಜಿ ಪೊರಡುವಕಾಪಕ್ ‘ಒರ್ ನಿಮಿಷ ಇರಿ ಸಾರ್. ನಿಂಗಡ ಈ ಒರ್ ಕಳಿ ಕಾಂಬಕ ನಾಡ ಮನೆರ ಪಕ್ಕ ಬಲ್ ಮನ್ಷ್ಯಂಡ ಗೇನ ಬಾತ್. ಅಂವೊ ಪಣಕಾರನಾಯಿತ್ ಇಂಜಕಲೂ ತಾಂಡ ಅವಂಗ್ ಒರ್ ಸಹಾಯವೂ ಮಾಡತೆ, ಅವ್ವೊ ಅಲ್ಲಿ ಇಲ್ಲಿ ಮನೆ ಪಣಿ ಕೆಜ್ಜಂಡ್ ಬದ್ಕಚಿ. ಅವ್ವ ಚತ್ತದು ಗಾಜಿಲ್ ಮಾದ ಕಯೆಚತ್. ಬದ್ಕಿತಿಪ್ಪಕ ಚೆನ್ನ ದುಡ್ಡನ ಅವಂಗ್ ಕೊಡಿತಿಂಜಕ ಅವ ಸುಖಿತ್ ಇಪ್ಪಕಿಂಜತೋ ಎನ್ನೋ. ಚತ್ತದು ಅವ್ವಂಡ ಬಲ್

ಪೋಟೋ ಬೆಚ್ಚಂಡ್ ಪೂವ್ ಇಟ್ಟಿತ್ ಗೌರವ ಕಾಟುವ. ನಾಕ್ ನಿಂಗಳ ಕಂಡಿತ್ ಅದೇ ಗ್ಯಾನ ಬಾತ್!’ ಎಂದ್ ಎಣ್ಣಿತ್, ತಾಂಡ ಪೋನ್ ನಂಬರ್ ಕೊಡಿತ್ ನೇರೆ ಅಲ್ಲಿಂಜಿ ವಾಪಾಸ್ ಪೊರಟಿತ್ ಹೋಟೆಲ್ ಒಂದಾಲ್ ಕಾಪಿ ಕುಡ್ಚಂಡ್ ಬಸ್ ಸ್ಟೇಂಡ್ ಪೊರಟ.

ಈ ವಿಷಯತನ ನಾನ್ ಅವ-ಯ್ಯಂಗ್ ಎನ್ನನೇ ಎಣ್ಣುವೊಂದ್ ಗೊತ್ತಾಯಿಲೆ. ಅವಕ್ ತಾಂಡ ಮೋಂವೊಂಡ ಮೀದ ಎಳ್ಳ ಪ್ರೀತಿ, ವಿಶ್ವಾಸ, ಕೊದಿ ಇದನೆಲ್ಲಾ ನಾಡ ಒರ್ ತಕ್ಕಲೇ ಪಾಳ್ ಮಾಡಂಡುವಲ್ಲಾಂದ್ ಚೆನ್ನ ದಿನತಂಜ ನಾಡ ನರ್ಸ್ ಮೂಡಿನೇ ಅವಯ್ಯಂಡ ಮನೆಕ್ ಟ್ರೀಟ್‌ಮೆಂಟ್ ಅಯೆಪಂಜ. ಇಕ್ಕ ಅಯಿಂಗಳೇ ನನ್ನ ತೇಡಿಯಂಡ್ ಬಂದಾಟತ್. ಎನ್ನಂದ್ ಎಣ್ಣಡ್. ನಾಡ ಆತ್ಮ ವಂಚನೆ ಮಾಡ್ವಕ್ಕಾಗ್. ಉಳ್ಳಾನ ಉಳ್ಳನ್ನೆ ಎಣ್ಣಿರು-ವೀಂದ್ ಗೇನ ಮಾಡಣೆ ಅವಯ್ಯ ಕಾಪಿ ಕಪ್ಪನ ಕೇದಲ್ ಬೆಚ್ಚಿತ್ ಎಣ್ಣ ಡಾ. ಮೋಳೆ ನೀನ್ ಒರ್ ತರ ನಾಡ ಮೋವಡ ಮಾದರಿ ಇಕ್ಕ ಆಯಿಟಿಯ. ನಾಡ ಮೋಂ-ವೊಂಡ ಆರೋಗ್ಯ ಎನ್ನನೇ ಉಂಡ್. ಅಂವೊ ಪೋನ್ ಕೊಡ ಮಾಡುಲೆ. ಅಂವೊಂಡ ಪಳಿಯ ಪೋನ್ ಮಾಡ್ಚೇಂಗಿ ಅದ್ ಕಟ್ಟುಲೆ. ಪುದಿಯ ನಂಬರ್ ಎನ್ನೇಂಗಿ ತಂದಿತಾಂದ್ ಕೇಕಣೆ ಪೋನ್ ರಿಂಗಾಚಿ.

ಒರ್ ನಿಮಿಷ ಅವಯ್ಯಂದ್ ಪೋನ್ ಎಡ್ಕಣೆ, ನಮಸ್ಕಾರ ಡಾಕ್ಟರ್. ನಾನ್ ಬೋಪಣ್ಣ ತಕ್ಕ ಪರೆವ. ಅವಯ್ಯಂಡ ಮೋಂವೊ. ನಿಂಗ ಅಂದ್ ನಾಡಲ್ಲಿಂಜಿ ಪೋನ ಪಿಂಇ ನಾಡ ಮನಸ್ಕ್ ಅದೆಂತದೋ ಬೇಜಾರ. ನಿಂಗ ಎಣ್ಣಾನ ಗೌಜಿರ ಮಾದತರ್ ಕಥೆ ನಾಡ ಕಣ್ಣ ಮಿಂಇಲ್ ಪಾಂಜತ್. ನಾಡ ಅಮ್ಮ ನಾಕಾಯಿತ್ ಎಚ್ಚೆಕ್ ಕಷ್ಟ ಪಟ್ಟಿತ್ ತಾಂಡ ಉಳ್ಳೊ ಆಸ್ತಿನ ನಾಕಾಯಿತ್ ಮಾರಿತ್. ಅಪ್ಪ ಅಚ್ಚೆಕ್ ಚೆರಿಯ ಬಯತ್-ಲಿಪ್ಪಕಲೇ ಚತ್ ಪೋಚೇಂಗ್ಲಾ ನಾಕ್ ತೊಂದರೆ ಬಕ್ಕೂಂದ್ ಅವ್ವ ಇಂಇಲೋ ಮಂಗಲ ಆಯಿತಿಲ್ಲೆ. ನನ್ನ ಅವಡ ಕಣ್ಣರ ಪೋಲೆ ಚಾಕಿತ್ ಈ ಮಟ್ಟಕ್ ಕೊಂಡ ಬಾತ್. ನಾಡ ಅವ್ವ ಇಲ್ಲೇಂಗಿ ಎಣ್ಣುವಾನ ನಾನ್ ಒಬ್ಬನೇ ಅಳ್ಳಿತ್ ಗೇನ ಮಾಡುವಕ ಬೇಜಾರಾಯಿತ್ ಮೊರಟ್ಚಿ. ನಾನ್ ಈ ಮಟ್ಟಕ್ ದುಡ್ಡ ಪೆದ, ಮಾಡಂಡುವೇಂಗಿ ಅವ್ವಂಡ ಆಶೀರ್ವಾದವೇ ಮೊಳ್ಳಿ. ನಿಂಗ ‘ಮಾದ’ ಎಣ್ಣಾನ ಆ ಒರ್ ಶಬ್ದ ನಾಡ ಮನಸ್ಸನೇ ಬದಲಾಕಿತ್. ನಾನ್ ನಾಳೆರ ಬಸ್ ಮನೆಕ್ ಬಪ್ಪಿ. ಅನ್ನನೇ ಅಮ್ಮಂಗ್ ಒರ್ ನಲ್ಲೋರ್ ಮೊಬೈಲ್ ಪೋನ್ ಎಡ್

ಕೊಡ್ಪಿ. ಅವಡ ಕೂಡ ದಿನಕೊಮ್ಮ ಆಚೇಂಗೂ ತಕ್ಕ ಪರೆವಿ. ಅವ ಒತ್ತತೇಂಗಿ ನಾಡ ಕೂಡ ಬೆಂಗಳೂರ್ ಕಾಕಿಯ ಬಂದ್ವಿಂವ್ ಅವ ಎಣ್ಣುವಕ ಅವಂಡ ಸ್ವರ ಮೊರೆಡುವನ್ನೆ ಇಂಜತ್. ಡಾ. ಅಕ್ಕಮ್ಮಂಗ್ ಅಕ್ಕ ಆನ ಕುಸಿಕ್ ಎಣ್ಣುವಕ್ ಶಬ್ದವೇ ಇಲ್ಲೆ.

ಮಂಡೆ ತೀನಿ ಮೊಬೈಲ್ ತಕ್ಕ..!

ನಾಡಲ್ ಓಣಿರಲ್ಲಿ, ಬೇಕೋ-ವ್ ಬರಿಲ್, ಪೊಳೆಕರೆಲ್, ತೋಟೇರಿಲ್, ಮನೆರ ಉಬ್ಬತರಲ್ಲಿ, ಬಾಣರಲ್ಲಿ, ನಲ್ಲ ಕಾರ್ಯ ನಡಪಕ ಕಂಡಿತ್ ಪೊಮ್ಮಕ್ಕ ಪರಸ್ಪರ ತಕ್ಕ ಪರಂದಂಡ್ ನಿಂದಂಡಿ-ಪಂಜತ್. ಅದೂ ಬಾಕಿ ಮನೆಲ್ ಆನದ್ ಪೋನದ್, ನಾಡಲ್ ನಡ್ಂದದ್, ತಾಮನೆಲ್ ಆಯಂಡುಳ್ಳದ್ ಎಲ್ಲಾ ಅದತ್ ಕೂಡಿತಿ-ಪಂಜತ್. ಮಾಂವಿನ ಮೈಮ ಬಯ್ಯುವಕ್ ಅವಕಾಶ ಪೇರ್ತ್ ಕಮ್ಮಿ ಇಂಜತ್. ಮಾಂವಿ ಓಡಿ ಕಳಚಂಡ್ ಎಲ್ಲಿ ಬೋಂಡಿಕೆ ವೈವನ್ ಉಬ್ಬಿಕ್ ಟ್ಪ್ ಒಲಿಕಲಿಂಜತ್!

ಈ ಮೊಬೈಲ್ ಬಂದಲ್ಲಿಂಜಿ ಪೊಮ್ಮಕ್ಕಡ ತಕ್ಕ, ಆಮಕ್ಕಡ ತಕ್ಕ, ಮಕ್ಕ, ಮರಿಯಡ ತಕ್ಕ, ಬಯತಂಗಡ ತಕ್ಕ.. ಎಲ್ಲಾ ನೋಟನಕ ನಂಗ ಇಚ್ಚೆಕ್ ತಕ್ಕ ಪರೆಯುವಾಂದ್ ಆಶ್ಚರ್ಯ ಆಪು! ಪೊಮ್ಮಕ್ಕಲೇ ಅಲ್ಲಾ ಆಣಾಳಲೂ ಎರ ತಕ್ಕ ಪರೆವಾಂದ್ ಕಾಟಿ ಕೊಡಿತ್. ಮಕ್ಕ ಮರಿಯಡ ಸಿನೇಚಾರ, ಸಿನೆಮಾ ಕಥೆ, ಓದ್, ಪುಸ್ತಕ, ಪರಿಕ್ಲೆ, ಪ್ರಶ್ನೆ, ಚಾಕ್ರಿ.. ಅದ್ ಇದ್ಂದ್ ಅದ್ಚೆಕೋ ಮೊಬೈಲ್ ಪೋನ್ಲೇ ನಡ್ಂದ್ ಪೋಪ. ಎಲ್ಲಾರೂ ಒಂದ್ ದಂಡ್ ಪೋನ್ ಬೆಚ್ಚಂಡ್ ಓಡಿ ಕಳಿಪ. ಒರೊವ್ ಅವ ಶ್ ಇಂಜಿಲೇಂಗಿಯೂ ಸೆಕಂಡ್ ಲೆಕ್ಕತ ಚಾರ್ಜಲ್ ಗಂಟೆಗಟ್ಟಲೆ ತಕ್ಕ ಪರೆವ!

ಇಂದ್ ಮೊಬೈಲ್ ತಕ್ಕ ಜೋರಾಯಿತುಂಡ್. ಎನ್ನೇಂಗಿ ಕಳ್ಳಗಿಲೀಟ್ ಮಾಡ್ವಕ ಮೊಬೈಲೇ ಕಟ್ಟಿ ಬೂವ. ಮನೆಲ್ ದುಂಬಾ ತಕ್ಕ ಪರೆವಾಂದೂ, ಪೋನ್ ಬಿಲ್ಡ್ ಜಾಸ್ತಿ ಬಪ್ಪಾಂದೂ ಸುಮಾರ್ ಜನ್ಮಲ್ಯಾಂಡ್ ಲೈನ್ ಎಡ್ ಚಾಡಿಟಿತ್! ಆಚೇಂಗಿ ಮೊಬೈಲ್ ರೀಚಾರ್ಜ್, ಆ ಲ್ಯಾಂಡ್‌ಲೈನ್ ಬಿಲ್ಡ್‌ಕಂಜಿ ಆಯಂಡುಳ್ಳದ್ ಗೊತ್ತಾ-ಯಂಡ್ ಇಲ್ಲೆ! ಮೊಬೈಲ್ ಅವಶ್ಯ: ಅದಂಡ ನಲ್ಲ ಬಳಕೆ ಆಯಿಲೇಂಗಿ ಅದ್ ಮಂಡೆ ನೊಂಬಲ..ದುಂದ್ ವೆಚ್ಚ.. ನೇರ್.

-ಕಾವೇರಿ.

ಚರಿತ್ರೆರ ಹಾಳೆಲ್ ಕೊಡವ-ಕೊಡವತಿಯ

- ಚೇಂದ್ರಮಾಡ ಗ. ಮುತ್ತಪ್ಪ, ಪೊನ್ನಂಪೇಟೆ.

ತಾತಂಡ ಸುಬ್ಬಯ್ಯ

ಲಿಂಗರಾಜಂಡ ಆಳಿಕೆರ ಕಾಲ. ಕ್ರಿ.ಶ. 1811ಲ್ ಚೆರಿಯ ಬಯತ್‌ರ ಜನರಲ್ ಜೇಮ್ಸ್ ವೆಲ್ ಕೊಡಗ್ ಬಂದಿತ್ತೆ ಬೋಟಿಯಾಡ್ ಪೋಚಿ. 1812 ಅಕ್ಟೋಬರ್‌ಲ್ ಜೇಮ್ಸ್ ವೆಲ್ ಪುನಾದಿಯ ಬೋಟಿಯಾಡುವಕ್ ಇರಾದೆ ಬೆಚ್ಚಂಡೆ ಬಂದಿತ್ತಿಂಜತ್. ಲಿಂಗರಾಜ ಬ್ರಿಟಿಷ್‌ಕಾರಳ ಚಾಯಿಲ್ ನೋಟುವಂಜತ್. ಬೋಟಿಕ್ ಅಳಪಕ್ ಮರತ್‌ರ ಕೊಡಿಲ್ ಒಳಿ ಕಟ್ಟುವಕ್ ನಂಬಿಕಸ್ತ ಕಾರ್ಯಕಾರಳ ಮಾತ್ರ ಲಿಂಗರಾಜ ಬುಡುವಂಜತ್.

ವೀರಾಜಪೇಟೆ ಪಕ್ಕತ ಕುಕ್ಕೂರ್ ತಾತಂಡ ಸುಬ್ಬಯ್ಯ ರಾಜಂಡ ನಲ್ಲ ನಂಬಿಕೆಕಾರ ಕಾರ್ಯಕಾರ ಆಯಿತ್ತಿಂಜತ್. ಬೋಟಿಕ್ ಏರ್ಪಾಡ್ ಮಾಡುವ, ಒಳಿ ಕಟ್ಟುವ ಮಾಡಿಯಂಡ್ ಸುಬ್ಬಯ್ಯ ಸುಮಾರ್ ಕುರಿ ರಾಜಂಡ ಕೊಡ ಬೋಟಿಕ್ ಪೋಯಿತ್. ಸುರೂ ಕುರಿ ನಲ್ಲ ಏರ್ಪಾಡ್ ಮಾಡ್‌ನ ಸುಬ್ಬಯ್ಯನ ಕೊಂಡಾಡಿತ್ ಅರಮನೆಲ್ ರಾಜಂಡ ಎದಿಕೆ ನಿಂದನಕೆ ಒರ್ ಚಿತ್ರ ಬುಡ್ತಿತ್ ಗೌರವಿಚಿಟ್ಟತ್.

ಇನ್ನನೆ ನಲ್ಲ ಕೆಲ ಮಾಡ್‌ನ ಸುಬ್ಬಯ್ಯಂಡ ಮೀದ ಬೋರೆ ಜನಕ್ ಹೊಟ್ಟೆ ಕಿಚ್ ಇಂಜತ್. ಅದಂಗ್ ಸರಿಯಾಯಿತ್ ಒರ್ ಪೆಬ್ಬುಲಿ ಗ್ರಾಮತ್ ತೊಂದರೆ ಮಾಡಿಯಂಡಿಂತ್. ಸುಬ್ಬಯ್ಯ-ಂಗ್ ರಾಜ ಒಳಿ ಕಟ್ಟುವ ಜವಾಬ್ದಾರಿ ಒಪ್ಪು ಚಿಟ್ಟತ್. ತಾತಂಡ ಸುಬ್ಬಯ್ಯ ನಿಷ್ಠೆಲ್ ಒಳಿ ಕಟ್ಟಿಚಿಟ್ಟತ್ ರಾಜಂಡಲ್ಲಿಕ್ ಅರಿಚಿಡ್‌ವಕ್ ಪೋನ ಸಂದ-ರ್ಭತ್, ವಿರೋಧಿಯ ಒಳಿರ ಅಡಿ ಭಾಗತ್ ತೊರತ್‌ರ ತೊರತಾನ ಸಡಲ ಮಾಡಿತ್ ಅಲ್ಲಿ ಅಳವು ಬೂವನ್ನಕೆ ಮಾಡ್‌ಚಿ. ದಿನ ಗೊತ್ ಮಾಡ್‌ನನ್ನಕೆ ರಾಜ ಬೋಟಿಕ್ ಬಾತ್. ಸುಬ್ಬಯ್ಯನೂ ಕೂಡ ಪೋಯಿತ್ತಿಂಜತ್. ರಾಜ ಒಳಿ ಅಳತ್. ನರಿಯೂ ಬಾತ್. ಅಕ್ಕಣೆ ರಾಜಂಡ ಕಾಲ್ ಕುತ್‌ನ ಭಾಗಕ್ ಒಳಿಲ್ ಅಳಪಕ್ ಮಾಡ್‌ನ ಜಾಗ ಕಾಂಜಿ ಪೋಪನ್ನಕಾಚಿ. ಪಕ್ಕ ಇಂಜವು ರಾಜಂಡ ರಕ್ಷಣೆ ಮಾಡ್‌ಚಿ. ರಾಜ ಮರತಿಂಜ ಇಳಿಂಜತ್. ಒಳಿ ಕಟ್ಟನ ಸುಬ್ಬಯ್ಯಂಡ ಮೀದ ಅಲ್ಲಿ ಇಂಜ ಕೆಲವು ಕುರುಬ ಸುಬ್ಬಯ್ಯ ಕಿಟ್ಟನ ಒಳಿ ಸರಿ ಇಲ್ಲತೆ ಇನ್ನನಾಚೀಂದ್ ವರದಿ ಒಪ್ಪಿಚಿಟ್ಟತ್.

ಅಂದ್ ಬೋರೆ ಬರಿಲ್ ಇಂಜ ಸುಬ್ಬಯ್ಯನ ರಾಜ ಕಾಕ್‌ಚಿಟ್ಟತ್. ಸುಬ್ಬಯ್ಯಂಗ್ ಎಲ್ಲಾ ಗೊತ್ತಾಚಿ. ನನ್ನ ಆಗತವು ಮಾಡ್‌ನ ಕಿತಾಪತಿ ಇದಂದ್. ರಾಜ ನನ್ನ ಕೂರ ರೀತಿಲ್ ಕೊಲ್ಲತಿಪ್ಪುಲೆಂದ್ ಅರಾಂಜ ಸುಬ್ಬಯ್ಯ ರಾಜಂಡ ಕಡೆಂಜಿ ಕಾಕ್‌ವಕ್ ಬಂದ ಜನಕ್, 'ನಾನ್ ಕೇಡ್ ಬಯಂದವ ಅಲ್ಲ. ಚಾವಲಿಕೆತ್ತಣೆ ರಾಜಂಡ ಸೇವಕ್.

ನಾಡ್ ಶತ್ರುವ ನನ್ನ ಕೆಡ್‌ತುವಕಾಯಿತ್ ರಾಜನ್ ಮರತಿಂಜ ಬೂವನ್ನಕೆ ಮಾಡಿತ್. ನಿಂಗ ಪೋಯಿತ್ ರಾಜಂಗ್ ಸತ್ಯ ಎಣ್ಣೆಂದ್ ಎಣ್ಣೆ ಅಯಿಚತ್. ಇತ್ತೆಟಿ ತಾತಂಡ ಸುಬ್ಬಯ್ಯ ರಾಜಂಡ ಪರಿವಾರ ಪುಡ್‌ಚಿ ಕೂಟ್‌ವಕ್ ಬಪ್ಪಾಂಗಿಂಜಿ ತಾನ್ ಬೊಡಿ ಬೆಚ್ಚಂಡ್ ಚಿತ್ತತ್. ಸುಬ್ಬಯ್ಯ ಚಿತ್ತೆ ಪಿಂಞ ರಾಜ ಅರಾಂಜತ್ ಸುಬ್ಬಯ್ಯಂಡ ರಾಜ ನಿಷ್ಠೆನ.

ಸುಬ್ಬಯ್ಯ ತಪಿತಸ್ಸನಲ್ಲಾಂದೂ, ಕಿಚ್ಚಿಲ್ ಬೋರೆವು ಮಾಡ್‌ನ ಕಿತಾಪತಿನ ರಾಜ ಅರಾಂಜತ್, ಸುಬ್ಬಯ್ಯಂಡ ಸೋದರ ಪೂವ-ಣ್ಣನ್ ಕಾಕಿತ್ ಸುಬ್ಬಯ್ಯಂಡ ಗೇನತ್ ತಾತಂಡ ಒಕ್ಕಕ್ ಮುನ್ನೂರ್ ಬಟ್ಟಿ ಭೂಮಿ, ಆ ಭೂಮಿರೆ ವ್ಯವಸಾಯಕ್ ಜಮ್ ಪೋಲೆಯಳ ಕೊಡ್‌ತತ್. ಆನೆರೆ ಕೊಂಬಲ್ ಪ್ರೇಮ್ ಮಾಡ್‌ಚಿಟ್ಟ ಚಿತ್ರ ಇಂದೂ ತಾತಂಡ ಐನ್ ಮನೆಲುಂಡ್.

ಬೋಂದ ಮುಕ್ಕಾಟಿರ ಐಪಣ್ಣ

ಕೊಡಗ್ ರಾಜಂಗ ಲಿಂಗಾಯಿ-ತಂಗ್ ಜಾಸಿಯಾಯಿತ್ ಜಾಯಿಕರ್ತಿ ಕೊಡವತಿಯಳೊ, ಪಟ್ಟಮ ಪೊಂಗಳೋ ತಾಂಡ ಅರಮನೆರ ಅಂತಪುರಕ್ ಕಾಕಿ-ಚಿಟ್ಟತ್. ಅಯಿನ ಲಿಂಗಾಯತ ಮಾಡಿತ್ ಲಿಂಗ ಕಟ್ಟಿತ್ ಮಂಗಲ ಕೈಚವಂಜತ್. ನಲ್ಲ ತಡಿಹಾರ, ಜಾಯಿಕಾರ ಕೊಡವ ಕಣ್ಣನ ಕಂಡಕ ಅವನ ಅರಮನೆಲ್ ಕಾಕಿತ್ ಲಿಂಗ ಕಟ್ಟಿತ್ ತಾಂಡ ಮೋವಳ ಮಂಗಲ ಕೈಚಿತ್ ಕೊಡಪಂಜತ್. ಇನ್ನನೆ ಲಿಂಗರಾಜೇಂದ್ರ ಮೋವಳ ಮಂಗಲಾನ ಬೋಂದತ್ ಮುಕ್ಕಾಟಿರ ಐಪಣ್ಣ(ಅಯ್ಯಪ್ಪ)

ಲಿಂಗರಾಜಂಗ್ ದಂಡ್ ಮೋಳಿ-ಯ ಮುದ್ದಮಾಜಿ ಪಿಂಞ ದೇವಮಾಜಿ. ಮೂಡಿಯ ಬಲ್ಲದಾನದು ಕಣ್ಣನ ತೇಡ್‌ಚಿ. ಲಿಂಗರಾಜ ಒನ್ನಾಂದ್ ಕುದರೆಲ್ ವೀರಾಜಪೇಟೆಂಜಿ ಕೊಂಡಂಗೇರಿ ಮೂರ್ನಾಡ್‌ಕಾಲೆ ಮಡಿಕೇರಿಕ್ ಪೋಯಂಡಿಪ್ಪಕ ಮೂರ್ನಾ-ಡ್‌ರಲ್ಲಿ ಚಾಯಿಕಾರ ಕಣ್ಣ ನಿಪ್ಪಲ್ ತೋಕ್ ಬೆಚ್ಚಂಡ್ ಕೂಟ್‌ಕಾರ್‌ಡ್ ಕೂಡ್ ಬಂದಂಡಿಂಜತ್. ಆ ಕಣ್ಣನ ಪಕ್ಕತ್ ನಿಂದಿತ್ ದಾರಾಂದ್ ಕೇಪಕ ಲಿಂಗರಾಜಂಡ ಕಾಸಾ ಮುನ್ನಿ ಮುದ್ದಯ್ಯ, ಅಂವೊ ನಾಡ ತಮಣ ಐಪಣ್ಣ(ಅಯ್ಯಪ್ಪ)ಂಡ ಎಣ್ಣೆಚಿ.

ರಾಜ ಕುದರೆಲಿಂಜಿ ಇಳಿಂಜಿತ್ ಪರಿವಾರಕಾರಡ ಕೂಡ ಇಪ್ಪಕ ಸುಮಾರ್ ದಂಡ್ ಫರ್ಲಾಂಗ್ ದೂರತ್ ಮೇಂಜಂಡಿಂಜ ಪೋರಿರ ಬೆನ್ನಲಳತ ಕಾಕಿನ ರಾಜ ಬೊಡಿ ಬೆಚ್ಚಿ ಬೂಕ್‌ಚಿ. ಅಲ್ಲಿ ರಾಜ ಒರ್ ಕಲ್ ನಡಪ್‌ಚಿಟ್ಟತ್. ಈ ಕಲ್ ಮೂರ್ನಾಡ್ ಕೊಂಡಂಗೇರಿ

ರಸೆರ ಬಲತೆಬರಿ ಕೆರೆಮನೆ ಜಹಗೀರ್‌ದಾರಂಡ ಭೂಮಿಲು-ಂಡ್‌ಂದ್ ಎಣ್ಣುವ. ಇನ್ನನೆ ಗುರಿ ಬೆಪ್ಪವು ಉಂಡೇಂಗಿ ಬಾರೀಂದ್ ರಾಜ ಅಲ್ಲಿಂಜಯಿನ ಕಾಕ್‌ವ. ಮುಕ್ಕಾಟಿರ ಐಪಣ್ಣ ದಂಡ್ ಫರ್ಲಾಂಗಿಂಜ ದೂರತ್ ಪೋರಿರ ಬೆನ್ನಲಳತ ಕಾಕಿನ ಬೊಡಿ ಬೆಚ್ಚಿ ಬೂಕ್‌ಚಿ. ರಾಜ ಅಲ್ಲಿ ಕಲ್ ಇಡ್‌ಚಿಟ್ಟಲೆ. ಐಪಣ್ಣನ ವಡಿಕ್ಕೇರಿ ಅರಮನೆಕ್ ಕೂಟ್ಟಪೋಚಿ.

ಅಲ್ಲಿ ರಾಜ ಐಪಣ್ಣಂಗ್ ಒರ್ ಕುದರೆ ಕೊಡಿತ್, ನೀನ್ ಭಾಗಮಂಡಲಕ್ ಪೋಯಿತ್ ಅಲ್ಲಿ ಪೂಜೆ ಮಾಡ್‌ವ ಪಟ್ಟನುಂಡ್ ಪೂಜೆ ಮಾಡ್‌ನ ಪೂವ್ ಪ್ರಸಾದ ಎಡ್‌ಂದ್ ಬೆರಿಯ ಬಾಂದ್ ಅಪ್ಪಣೆ ಮಾಡ್‌ವ. ಐಪಣ್ಣ ಕುದರೆಲ್ ಭಾಗಮಂಡಲಕ್ ಪೋಯಿತ್ ಪೂವ್ ಪ್ರಸಾದ ಎಡ್‌ಂದ್ ದಂಡ್ ಗಂಟೆರೊಳ್‌ಲ್ ವಾಪಾಸ್ ಬಾತ್. ರಾಜಂಡ ಮೋವ ಮುದ್ದಮಾಜಿ ಐಪಣ್ಣನ ನೋಟಿತ್ ಕುಸಿ ಪಟ್ಟತ್. ಅಲ್ಲಿಂಜಿ ಚೆನ್ನ ದಿನತ್ ಐಪಣ್ಣನ ಅರಮನೆಕ್ ಬಪ್ಪಕಣ್ಣಾಚಿ. ಐಪಣ್ಣ ಬೊತಿಯಂಡ್ ಎನ್ನ ಗ್ರಾಚಾರಿ ಉಂಡೇಂದ್ ಬೊಳ್ ಕುಪ್ಪ, ಚೇಲೆ, ಪೀಚಿಕತ್ತಿ ಮಂಡೆ ತುಣಿಯಾಯಿತ್ ರಾಜಂಡಲ್ಲಿಕ್ ಪೋಚಿ. ರಾಜಂಗ್ ಪೊರಪಾಡ್ ನೋಟಿತ್ ಆಶ್ಚರ್ಯ ಆಯೋಚಿ. ಎನ್ನಂಗ್ ಈ ಪೊರಪಾಡಲ್ ಬಂದಿಯಾಂದ್ ಕೇಪ. ಐಪಣ್ಣ ಎಣ್ಣುವ ಈ ಉಡಪ್ ನಂಗಕ್ ದಂಡ್ ಕುರಿ ಮುಖ್ಯ ಒಂದ್ ಮಂಗಲಂದ್; ಇಂಞೋಮ್ ಚಿತ್ತಲಿ. ಅದಂಗ್ ಇನ್ನನೆ ಬಂದಿಯ.

ಲಿಂಗರಾಜ ದಿನ, ನೇರ ಸಮಯ ನೋಟಿತ್ ಮೋವ ಮುದ್ದ-ಮಾಜಿನ ಮುಕ್ಕಾಟಿರ ಐಪಣ್ಣ (ಅಯ್ಯಪ್ಪ)ಂಗ್ ಮಂಗಲ ಕಯಿಪಕ್ ಕುರಿಪ. 1816ಲ್ ಐಪಣ್ಣಂಗ್ ಲಿಂಗ ಕಟ್ಟಿತ್ ಮಂಗಲ ಕೈಪ. ಅಲ್ಲಿಂಜಿ ಐಪಣ್ಣ ಚೆನ್ನ ಬಸಪ್ಪನಾಚಿ. ರಾಜಂಡ ಉಡಪ್‌ಲೇ ಇಪ್ಪಂಜತ್. ಅವಂಗ್ ಹೊರಮಲೆನಾಡ್ ಕಳಕೇರಿಲ್ ಭೂಮಿನ ಉಂಬಳಿ-ಯಾಯಿತ್ ಕೊಡತ್. ಆಚೇಂಗಿ ಮುದ್ದಮಾಜಿ ಸೌಕ್ಯ ಇಲ್ಲತೆ ಮಂಗಲಾಯಿತ್ ದಂಡ್ ಕಾಲತಲೇ ಮರಣ ಪಟ್ಟತ್. ರಾಜಂಡ ಇಂಞೋರ್ ಕೊಡವತಿ ಪೋಣ್ಣ ದೇವಕಿ (ಪಳಂಗಂಡ್) ರಾಜನ್ ಒಪ್ಪಚಿಟ್ಟತ್ ತಾಂಡ ಮೋವ ದೇವಮಾಜಿನ ಐಪಣ್ಣಂಗ್ ಮಂಗಲ ಕೈಚಿತ್.

ರಾಜಂಡ ಕಾಲತ್ ಕೊಡವ-ತಿಯಳ ರಾಜ ಮಂಗಲ ಕೈಚವದೂ ರಾಜಂಡ ಮೋಳಿಯಳ ಕೊಡವಂಗ್ ಕೊಡತಿತ್ ಮಂಗಲ ಕೈಪದೂ ಇಂಜತ್.

ಇತಿಹಾಸ ಪಾಳೆಲಿಂಜ

ಕೊಡಗ್‌ರ ವೀರ ಪರಂಪರೆ

-ಬಾಚರಣಿಯಂಡ ಅಪ್ಪಣ್ಣ ಪಿಂಞ ರಾಣು, ಕುಶಾಲನಗರ

ಚೆರಿಯ ಜನಸಂಖ್ಯೆರ ಕೊಡವದಲ್ಲಿ ಒರ್ ವಿಶೇಷ ವೀರ ಪರಂಪರೆ ಉಂಡ್. ಅಯಿಂಗ ಪುಟ್ಟಿತ್ ಚಾವಲ್ಲಿ-ಕೆತ್ತಣೆ ಅಯಿಂಗಡ ಜೀವನ ಕ್ರಮೆತಲೇ ನೆಜ್ಜಂಡ್ ಬಂದ್ ಪೋನ ವೀರ ಪರಂಪರೆ ಎನ್ನಂಗ್ ಬಾತ್, ಎನ್ನನೆ ಬಾತ್, ಎಕ್ ಬಾತ್ ಎಣ್ಣುವಾಂಗಲ್ಲ ಉತ್ತರ ಸುಲಭ. ಪ್ರಕೃತಿರ ಕೂಡ ಬಾವಕ ತಾಂಡ ಪರಿಸರಕ್ ತಕ್ಕನತ ಪರಿಸ್ಥಿತಿ ರೂಪ್ ಎಡ್‌ಪದೇ ಪ್ರಕೃತಿ ಧರ್ಮ. ಮಾನವ ಸಹಜವಾನ ಬುದ್ಧಿ ಇಂಜ ಕೊಡವ ಅದ್‌ಂಗ್ ಸರಿಯಾಯಿತ್ ತಾಂಡ ಜೀವನ ಕ್ರಮತನ ರೂಪ್‌ಚಿಟ್ಟಂಡಿತ್.

ಕುಂಞಿ ಪುಟ್‌ವಕ: ವೀರ ಪರಂಪರೆಲ್ ಪುಟ್ಟಿತ್ ಚಾವಲ್ಲಿ ಕೆತ್ತಣೆ ಮೊಟ್ ಮೊಟ್‌ಲೂ ಕಂಡ್‌ಬಪ್ಪ ಪತ್ತಿತಾಪಕ ಅದ್ ಕಣ್ಣ ಕುಂಞಿಂಧಾನಕ ವೀರನೊಬ್ಬ ಪುಟ್‌ಚೇಂದ್ ಬೊಡಿ ಬೆಚ್ಚಿತ್ ಲೋಕಕ್ ಸಾರುವ. ಓರ್ ನಕಲಿ ಅಂಬ್(ಆಣಕೆ ಮರತ್‌ರ) ಬಿಲ್ ಮಾಡಿತ್ ಈ ಕುಂಞಿರ ಕೈಕ್ ಪುಡ್‌ಪಾಚಿಡ್‌ವ. ತಾಂಡ ಕೂಳ್ ಸಂಪಾದನೆಕೂ, ತಡಿ ರಕ್ಷಣೆಕೂ, ದೇಶ ರಕ್ಷಣೆಕೂ, ಕತ್ತಿ-ತೋಕ್, ಬಿಲ್ ಬಾಣತ್‌ರನ್ನತ ಆಯುಧ ಅವಶ್ಯಾಂದ್ ಎಣ್ಣುವ ಸತ್ಯತನ ಸಾರುವಕಾಯಿತ್ ಈ ತರ ಪದ್ಧತಿ ಬಂದಿತ್. ಕುಂಞಿರ ಬಾಯಿಕ್ ಬೆಲ್ಲ, ನೆಯ್ ತೀರುವ. ಬೆಲ್ಲ ಅಲಿವನ್ನಕೆ ಅಲಿ, ನೆಯ್ ಉರ್‌ವ-ನ್ನಕೆ ಉರ್‌ಂದ್ ಆಶೀರ್ವಾದ ಮಾಡುವ.

ಕಳಿ ತಳಿ: ಕುಂಞಿ ಬೊಳಂದಂಡ್ ಬಪ್ಪಕಲೂ ತಡಿನ ಗಟ್ಟಿ ಮುಟ್ಟಾಯಿತ್ ಬೊಳತುವಕುಳ್ಳಂತ, ನೊಂಬಲ ಸಹಿಸುವಕ್, ಉಳ್ಳಂತ ಗರ್ವ, ಪುಟ್ಟುವಕುಳ್ಳಂತ ಶತ್ರುವಳ ಅಡಕುವಕ್ ಉಳ್ಳನ್ನತ ಕಳಿಯೇ ಚಿರಪತ್‌ಂಜಿ ಈ ಕೊಡಗಲ್ ಮಕ್ಕಕ್ ತಂಗಡ ಚೋರಲೇ ಬಂದ್ ಪೋಯಿತ್.

ಕೊಡಗ್‌ರ ಮಕ್ಕಡ ಕೈಲ್ ಚಿರಪತ್‌ಂಜೇ ತಟ್ಟಿ, ಬಿಲ್, ಕವಣೆ, ಕಲ್, ರಬ್ಬರ್ ಬಿಲ್‌ನಂತ ಆಯುಧ ಇಪ್ಪ. ಚೆನ್ನ ಬಲ್ಲದಾಯಂಡ್ ಬಂದನ್ನಕೆ ಕತ್ತಿ ತೋಕ್‌ಲೇ ಮಕ್ಕಡ ಕಳಿ. ಇದ್ ಅಪ್ಪವ ಎಣ್ಣಿ ಕೊಡಪದಲ್ಲ. ಚೋರೆ ಕಂಡಕೆ ನೆಟ್ಟಲೆ. ತಾನ್ ಮಾಡ್‌ನ ಪರಾಕ್ರಮತ್ ಕುಸಿ ಪಡುವ.

ನರಿ ಮಂಗಲ: ಇದ್ ಕೊಡಗಲ್ ಮಾತ್ರ ಉಳ್ಳನ್ನತ ಓರ್ ವೀರ ಪರಂಪರೆ ಆಚರಣೆ. ಕುಸಿ, ಪರಿಯ ಕಳಿ, ಸೂರ್ತಿ ಕಳಿ, ತೆಂಗಿ ಪೋರ್, ಇದೆಲ್ಲಾ ಕೊಡವ ಮಕ್ಕಡ ಚಿರಪತ್‌ರ ಕಳಿ. ಈ ತರತ್‌ರ ಕಳಿರ ಪೈಕಿ ಕುಸಿ ಮಾತ್ರ

ಬೋರೆಲ್ಲಾ ಜಾಗತ್‌ಲೂ ಕಾಂಬ. ಇನ್ನತ ಕಳಿ ಅಯಿಂಗಡ ವೀರ ಪರಂಪರೆಕ್ ಸರಿಯಾನದ್. ಮಕ್ಕ ಬೊಳಂದಂಡ್ ಬಂದನ್ನಕೆ ಉರ್ ಕೇರಿಲ್ ಸಜ್ಜೆ ಸಮಾರಂಭತ್ ಕೊಡನಲ್ಲಿ-ಯೂ ಅಯಿಂಗಡ ಕಳಿಯೇ ಬೋರೆ.

ಶಕ್ತಿ ಕೋಲ್: ಸಮ ಶಕ್ತಿರ ದಂಡ್ ಬಾಲೆಕಾರ ನೆಲತ್‌ಲ್ ಕಾಲ್ ನೇಟಿ ಅಳತಂಡ್ ಅಪ್ಪರಿಪರ ಅಂಗಾಲ್‌ಕ್ ತಾಕ ಕೊಡತಿತ್, ಓರ್ ತಂಡನ ದಂಡಾಳು ಬಲಿಕಂಡು. ಅಳತ-ಲ್ಲಿಂಜಿ ನೇಂದ್ ಪೋನಂವೊ ಚೋತನ್ನಕೆ.

ಬಾರ ನೇತುವೊ: ಇಕ್ಕಲೂ ಊರ್‌ರ ಅಂಬಲತ್‌ಲ್, ಮಂದಲ್, ತಿರ್‌ಕಲ್ ಎಲ್ಲಾ ಬೋರೆ ಬೋರೆ ಬೋರೆ ಸೈಚಾರ ಉರ್‌ಟ್ ಪೊಳೆಕ್‌ಲ್ ಕಂಡ್ ಬಪ್ಪ. ಬಲ್ಯ ಕಲ್‌ನಲ್ಲ ಇಕ್ ನಾಲಾಳ್ ಕಟ್ಟಿ ಪೊರೆಕಂಡು. ಪಂಡ್ ಎದೇದ್ ಕಲ್‌ನ ಎದೇದ್ ತರತ್‌ಲ್ ನೇತಿತ್ ಗಟ್ಟಿಗತನ ಕಾಟ್‌ನವು ದಾರಾಂದ್ ಅಯಿಂಗಡ ಪದ ಎಲ್ಲ ಇಕ್ಕಲೂ ಜನಡ ನಾವುಲ್ ಉಂಡ್.

ಒತ್ತೆ ಪೊಯ್: ಕೊಡವ ವೀರಂಗಡ ವೀರ ಪರಂಪರೆಕ್ ನಲ್ಲೋರ್ ಉದಾಹರಣೆ ಈ ವಿಚಿತ್ರ ಕಳಿ. ಇದ್ ಊರ್ ಊರ್‌ರೊಳ್‌ಲ್, ನಾಡ್ ನಾಡ್‌ರೊಳ್‌ಲ್ ದಂಡ್ ವೀರಂಗಕ್ ನಡಪ ಪೈಪೋಟಿ. ಇದಲ್ ಒಬ್ಬೊ ಅವಂಡ ಎದಾಪಾಳನ್ ಒರೇ ತಲ್‌ಕ್ ಕೊಯಿಕಂಡು. ಕೊಂದಕಲೂ ಆಕು, ಸೂಯ ತಪ್ಪಿತ್ ಬುದ್ಧಕಲೂ ಆಕು. ದಂಡನೆ ಪೊಯ್‌ವ ವರಾತ್ ಪೊಜ್ಜಿರುವಕಯ್ಯ. ಇನ್ನತ ಗಟ್ಟಿಗಂಗಳ ಆಂಜಿತ್ ಓರ್ ಊರ್‌ಕಾರ ಇಂಞೋರ್ ಊರ್‌ಕಾರಕ್ ಸವಾಲ್ ಇಡ್‌ವಕ್ ಗೊತ್ ಮಾಡ್‌ನ ದಿನ ಕೊಂಬ್ ಕೊಟ್ ಓಲಗ ಆಯಿತ್ ಒತ್ತೆ ಪೊಯ್‌ಕಾರನ ಕೂಟಿಯಂಡ್ ಪೋಪ. ಅಕ್ಕ ಆ ಊರ್‌ರ ವೀರನೂ ಕೊಂಬ್ ಕೊಟ್ಟಾಯಿತ್ ಪಾರ್ ಕಾತಂಡಿಪ್ಪ. ಅಪ್ಪರಿಪರ ಬೆಂದು ತಕ್ಕಾರ ಆಪಂಜತ್. ಕೊಡನ ಜನಡ ಮಿಂಞಲ್ ದಂಡ್ ವೀರಂಗ ಎಲ್ಲಾ ತರತ್‌ರ ಆಟ್ ಆಡಿಯಂಡ್ ಇರಂಡು. ಪೊದ ಕಟ್ಟುವ ಎದೇಂಗೋರ್ ಕಣಿ ಪಾರಿಯ ಚಿಟ್ಟಿತ್ ಆಯ್ ನೋಟಿತ್ ಅಡ್ಡಿ ಬೆಕ್ಕಂಡು. ಓರ್ ಊರ್‌ಲ್ ಗದ್ದ ಚಾಂಪಿ-ಯನ್‌ನ ಇಂಞೋರ್ ಊರ್‌ಕ್ ಕಾಕ್‌ಚಿಟ್ಟವಂಜತ್. ಅದತ್ ಕೈಯ್ಯಂಡಿ ಅಪಯ್ಯಂಡ ಪದ್ ಪೇರ್ತ್ ಕೇಳಿಲಿಂಜತ್. ಇಕ್ಕ ಈ ಕಳಿಕೆಲ್ಲ ಅವಕಾಶ ಇಲ್ಲ.

-ಬಾಕಿ ಬಪ್ಪ ಸಂಚಿಕೆಲ್ 'ಕೊಡಗ್‌ರ ಆರ ಬೇರ'ತಂಡ

‘ಕೊಡವ ಪಳಮೆ’ ತಿಂಗ ಪತ್ರಿಕೆ ಬುಡ್‌ಗಡೆ



ಎಳ್ಳೆಕಾರ, ಐತಿಚಂಡ ರಮೇಶ್ ಉತ್ತಪ್ಪಂಡ ಸಂಪಾದಕತ್ವತ್ ‘ಕೊಡವ ಪಳಮೆ’ ಎಣ್ಣಿವ ತಿಂಗ ಪತ್ರಿಕೆ ತಾ. 26.5.2013ಲ್ ಮಡಿಕೇರಿಲ್ ಬುಡ್‌ಗಡೆ ಆಚಿ. ಮಡಿಕೇರಿಲ್ ಬಾಲಭವನತ್, ಕೊಡಗ್ ಪೆಸ್ ಕ್ಲಬ್ ಅಧ್ಯಕ್ಷ, ‘ಬ್ರಹ್ಮಗಿರಿ’ ಸಂಪಾದಕ ಉಳ್ಳಿಯಡ ಎಂ. ಪೂವಯ್ಯಂಡ ಅಧ್ಯಕ್ಷತೆಲ್ ನಡ್‌ಂದ ಸಮಾರಂಭತ್ ಮುಖ್ಯ ಬೆಂದುವಳಾಯಿತ್ ಮಾಜಿ ಮಂತ್ರಿ ಮೇರಿಯಂಡ ಸಿ ನಾಣಯ್ಯ, ನಿವೃತ್ತ ಎ.ಸಿ.ಪಿ. ಬಿದ್ದಂಡ ಅಶೋಕ್ ಕುಮಾರ್, ನಿವೃತ್ತ ಎಸ್.ಪಿ. ಮುಕ್ಕಾಟಿರ ಚೋಟು ಅಪ್ಪಯ್ಯ ಪಿಂಞ ಸಾಹಿತಿ ಬಾಚರಣಿಯಂಡ ಪಿ. ಅಪ್ಪಣ್ಣ-ಇವು ಹಾಜರಿಂಜತ್. ಮೇರಿಯಂಡ ಸಿ. ನಾಣಯ್ಯ ಪತ್ರಿಕೆನ ಬುಡ್‌ಗಡೆ ಮಾಡ್‌ಚಿ. ಬಾಚರಣಿಯಂಡ ಪಿ. ಅಪ್ಪಣ್ಣ ಪತ್ರಿಕೆರ ಬಗ್ಗೆ ತಕ್ಕ ಪರಂದತ್. ಬೆಂದುವ ತಕ್ಕ ಪರಂದತ್. ಆದ್ಯತ್ ಆಲೆಮಾಡ ಚಿತ್ರಾ ನಂಜಪ್ಪ ದೇವಳ ತುದಾಚಿ

ಪಾಡ್‌ಚಿ. ಸಂಪಾದಕ ಐತಿಚಂಡ ರಮೇಶ್ ಉತ್ತಪ್ಪ ಆದ್ಯ ಮೊಳಿ ತಕ್ಕ ಪರಂದಿತ್ ಕಾರ್ಯಕ್ರಮ ನಿರೂಪಣೆ ಮಾಡ್‌ಚಿ. ಪತ್ರಿಕೆರ ವ್ಯವಸ್ಥಾಪಕಿ ಐತಿಚಂಡ ರೇಷ್ಮಾ ರಮೇಶ್ ಇಂಜತ್.

ಪೊನ್ನಂಪೇಟೆ ಸರಕಾರಿ ಸ್ಕೂಲ್ ಶತಮಾನೋತ್ಸವ
ಪೊನ್ನಂಪೇಟೆ ಸರಕಾರಿ ಮಾಡಲ್ ಪ್ರೈಮರಿ ಸ್ಕೂಲ್‌ಕ್ ನೂರ್ ಕಾಲ ದುಂಬಾನಂಡ ಮಾರೀಪತ್ ನೂರಾಂಡ್ ನವೆ-ಶತಮಾನೋತ್ಸವ ಕಾರ್ಯಕ್ರಮ ಜೂನ್ 11 ಪಿಂಞ 12ಂದ್ ಅಂದೋಳತ್ ನಡ್‌ಂದತ್. ಪಳೆ ವಿದ್ಯಾರ್ಥಿ-ಯ, ದಾನಿಯ, ಇಲಾಖಾಧಿಕಾರಿಯ, ಸ್ಕೂಲ್ ಪಿಂಞ ಶತಮಾನೋತ್ಸವ ಸಮಿತಿಕಾರ, ನೆರೆಕೆರೆಕಾರ ಏರ ಸಂಖೆಲ್ ಕೂಡಿತಿಂಜತ್. ಈ ಸಂದರ್ಭತ್ ಶತಮಾನೋತ್ಸವ ಸಾರಕ ಸಭಾಂಗಣ ಉದ್ಘಾಟನೆ ಮಾಡ್‌ಚಿ. ದಾನಿಯಕ್, ಪೆರಿಯ ಪಳೆ ವಿದ್ಯಾರ್ಥಿಯಕ್ ಸನ್ಮಾನ ನಡ್‌ಂದತ್.

ಕಳ್ಳೇರ ಎ. ನಂಜಪ್ಪ ಎಸ್ಸೆಸ್‌ಲಿಲ್ 91.52%



ವೀರಾಜಪೇಟೆ ಕೊಡವ ಸಮಾಜತ್‌ರ ತ್ರೀವೇಣಿ ಸ್ಕೂಲ್‌ಲ್ ಕಯಿಂಜ ಪತ್ತನೆ ಕ್ಲಾಸ್ ಆಖೀರಿ ಪರೀಕ್ಷೆಲ್ ಕಳ್ಳೇರ ಎ. ಚಂಗಪ್ಪ 91.52% ಮಾರ್ಕ್‌ಲ್ ಪಾಸಾಯಿತ್. ಚಂಗಪ್ಪ ಕಳ್ಳೇರ ಸುಬ್ಬಯ್ಯ(ರವಿ) ಪಿಂಞ ಮುತ್ತಮ್ಮ (ತಾಮನೆ: ಬಲ್ಲಿಮಾಡ) ದಂಪತಿಯಡ ಮೋಂವೊ.

ಪುಚ್ಚಿಮಂಡ ಕಾವೇರಿ ಅಯ್ಯಪ್ಪ ಸಿ.ಬಿ.ಎಸ್.ಇ.ಲ್ 95%



ಬೆಂಗಳೂರ್ ಸದಾಶಿವ ನಗರತುಳ್ಳ ಕೇಂದ್ರಿಯ ವಿದ್ಯಾಲಯ ಹೆಬ್ಬಾಳ, ಇಲ್ಲಿ ಪುಚ್ಚಿಮಂಡ ಕಾವೇರಿ ಅಯ್ಯಪ್ಪ ಕಯಿಂಜ ಸಿಬಿಎಸ್‌ಇ 10ನೇ ಕ್ಲಾಸ್ ಆಖೀರಿ ಪರೀಕ್ಷೆಲ್ 10/10 ಗ್ರೇಡ್ ಪಾಯಿಂಟ್‌ಲ್ ಸಿಜಿಪಿಎ 95% ಮಾರ್ಕ್‌ಲ್ ಪಡಂದಿತ್ ಪಾಸಾಯಿತ್. ಕಾವೇರಿ, ಪುಚ್ಚಿಮಂಡ ಅಯ್ಯಪ್ಪ ಕಾರ್ಯಪ್ಪ ಪಿಂಞ ಗಿರಿಜ ಅಯ್ಯಪ್ಪ (ತಾಮನೆ:ಕಲಿಯಂಡ) ದಂಪತಿಯಡ ಮೋವ.

ದಾಸರಳ್ಳಿ ಉಗಾದಿ

ಕಯಿಂಜ ಏಪ್ರಿಲ್ 11ಂದ್ ದಾಸರಳ್ಳಿ ಕೊಡವ ಸಮಾಜತ್ ಉಗಾದಿ ನಮನ ತಮಾಸಿ ಪಿಂಞ ತೆಂಗ ಕನಿ ಪೈಪೋಟಿರ ಕೂಡೆ ನಡ್‌ಚಿ. ಇದತ್ ಇನಾಮು ಪಡ್‌ಂದವು: ಅರಮಣಮಾಡ ಕಿಶ ಕರುಂಬಯ್ಯ, ನಂಬಿಯ-ಪಂಡ ರಂಜು ನಾಣಯ್ಯ, ಪೆಮ್ಮಣಮಾಡ ಗಿಣಿ ಮೇದಪ್ಪ, ತೆನ್ನೀರ ರಘು ಗಣಪತಿ, ಕೂಪದಿರ ಮನು, ಐಚೆಟ್ಟಿರ ವೇಣು ಮುದ್ದಪ್ಪ ಪಿಂಞ ಕಲ್ಲುಮಾಡಂಡ ರತ್ನ ಕುಶಾಲಪ್ಪ. ಈ ಸಂದರ್ಭತ್ ಸಮಾಜತ್‌ರ ಅಧ್ಯಕ್ಷ ಚೇರಂಡ ಬೋಸು ಪೂವಯ್ಯ, ಕಾರ್ಯ-ದರ್ಶಿ ಪೆಮ್ಮಣಮಾಡ ಮೇದಪ್ಪ, ಉಪಾಧ್ಯಕ್ಷ ತೆನ್ನೀರ ರಘು, ಖಜಾಂಚಿ ಅಲ್ಲಾರಂಡ್ ಸೋಮಯ್ಯ ಪಿಂಞ ಆಡಳಿತ ಮಂಡಳಿಕಾರ, ಸದಸ್ಯಂಗ ಕೂಡಿತಿಂಜತ್. (ವರದಿ: ನಂಬಿಯಪಂಡ ರಂಜು ನಾಣಯ್ಯ)

ಕಾವೇರಿ ಪ್ಲೇಸ್ ಮೆಂಟ್‌ಲ್ ಕಿರಿಯರ್ ಕೌನ್ಸಿಲಿಂಗ್

ಬೆಂಗಳೂರ್ ಕೊಡವ ಸಮಾಜತ್‌ರ ಕಾವೇರಿ ಪ್ಲೇಸ್ ಮೆಂಟ್‌ರ ಆದನಲ್ ತಾ.30.6.2013ಂದ್ ಪೊಲಾಕ, ಜ. ತಿಮ್ಮಯ್ಯ ಭವನತ್‌ರ ಕಾವೇರಿ ಹಾಲ್‌ಲ್ ಹೈಸ್ಕೂಲ್-ಂಜಿ ಪಿಯುಸಿ ಕೆತ್ತಣೆರ ಮಕ್ಕಕ್ ಕಿರಿಯರ್ ಕೌನ್ಸಿಲಿಂಗ್ ನಡ್‌ಂದತ್.

ಪಿಡಬ್ಬೂಡಿ ಮಂತ್ರಿರ ಸಕ್ಕಟರಿ ಚೊಟ್ಟಿಯಂಡಮಾಡ ರಾಜೇಂದ್ರ ಕೆ.ಎ.ಎಸ್. ಅಧಿಕಾರಿ, ಜೊಟ್ಟಿಯಂಡವರಾಡ್ ಎಂ. ರಾಜೇಂದ್ರ, ರಾಜ್ಯ ಲೋಕೋಪಯೋಗಿ ಇಲಾಖೆರ ಮಂತ್ರಿ, ಕೊಡಗರ ಉಸ್ತುವಾರಿ ಮಂತ್ರಿಯೂ ಆನ ಡಾ. ಎಚ್.ಸಿ. ಮಹದೇವಪ್ಪಂಡ ಪ್ರವೈಟ್ ಸಕ್ಕಟರಿ ಆಯಿತ್ ಕಾರ್ಬಾರ್ ಮಾಡಿಯಂಡುಂಡ್. ರಾಜೇಂದ್ರ ಕೊಡಗಲ್ ನೆಮ್ಮಲೆ ಊರ್‌ಕಾರ.

‘ಪೊಂಬೊಳಕ್’ ತಕ್ಕ ಬಾಕ್ ಕಾಲಂ
ಪೊಂಬೊಳಕ್ ಪತ್ರಿಕೆಲ್ ‘ತಕ್ಕ ಬಾಕ್’ ಎಣ್ಣಿವ ಪ್ರಶ್ನೆ-ಉತ್ತರ ಕಾಲಂ ಸುರು ಮಾಡ್‌ವದುಂಡ್. ಜನಾಂಗಕ್ ಸಂಬಂಧಪಟ್ಟನ್ನೆ ತಮಾಸಿರ, ರಚನಾತ್ಮಕವಾನೆ ನಲ್ಲರಿಕೆರ ಪ್ರಶ್ನೆನ ಒಡನೆ ಅಯೆಚಿ ತರೋಲು.

ನಿಂಗಡ ಅಭಿಪ್ರಾಯ ಎಳ್ಳಿ
ಕೊಡಗ್ ಪಿಂಞ ಎಲ್ಲಾ ಕಡೆ ನೆಲೆಯಾನ ಕೊಡವ ಜನಾಂಗತ್‌ರ ಕಷ್ಟ ಸುಖ, ತೊಂದರೆ-ತಾಪತ್ರಕ್ ಸಂಬಂಧಪಟ್ಟಿತ್ ಪರಿಹಾರ ಸೂತ್ರ ಕೂಡ್‌ನನ್ನೆ ಸಲಹೆ, ಮಾರ್ಗದರ್ಶನ ಇನ್ನತಾನೆಲ್ಲಾ ಪಿಂಞ ಪೊಂಬೊಳಕ್ ಪತ್ರಿಕೆರ ಎಳ್ಳೆರ ಬಗ್ಗೆಯೂ ಓದುಗಂಗ ಅಭಿಪ್ರಾಯತನ ಅಯೆಚಿ ತರೋಲು.

ವಿಳಾಸ:
ಸಂಪಾದಕ,
ಪೊಂಬೊಳಕ್ ಪತ್ರಿಕೆ,
ಕೊಡವ ಸಮಾಜ ಬೆಂಗಳೂರ್
7, 1ನೇ ಮುಖ್ಯ ರಸ್ತೆ, ವಸಂತನಗರ,
ಬೆಂಗಳೂರ್-560 052.

ಕೊಡವಳೂ ತೋಕೂ..

—ಬಾಚರಣಿಯಂಡ ಪಿ. ಅಪ್ಪಣ್ಣ ಕುಶಾಲನಗರ.

ಕುಡು ಮಲೆರ ಕೊಡವಂಗ ಪಡೆಯಾಳಿ ವಂಶ ಮನೆ ಮನೆಲ್ ತೋಕ್ ಅದೇ ಕ್ಷತ್ರಿಯಡ ಅಂಶ ಕೊಡವಕಿಲ್ಲೆಯೊ ಬೋರೆ ತರ ತರತ ಗೋತ್ರ ಪಡೆಯಾಳಿ ಸಂಸ್ಕೃತಿರ ಪರಂಪರೆಯೂ ಮಾತ್ರ

ಕೊಡವಂಗಕ್ಕೊಲು ದೇಶ ಕಾತಳಪ ವೀರಕುಲ ತೋಕ್ ಪೂಜನಕಂವಂಗ ಯಾಗಯಜ್ಞ ಫಲ ಬೊಡಿ ಸದ್ವ ಕೀಟಿತ್ ಕೊಡವ ಪಡೆವ ಜನ್ಮ ತೋಕ್ ಪೂಜುವದವಂಡ ಜಾತಿ ಕುಲ ಧರ್ಮ

ತೋಕ್ ಕತ್ತಿಕ್ ಕಾಟು ಕೊಡವ ಭಯಭಕ್ತಿ ಕತ್ತಿ ತೋಕ್‌ಲ್ ಅಡಂಗಿತದ ಆಧ್ಯಾತ್ಮ ಶಕ್ತಿ ತೋಕ್ ಕತ್ತಿರ ಪೂಜೆಲವಂಗ ಎಕ್ಕಲೂ ಮುಕ್ತಿ ಸಾರಿತಣ್ಣಿವೆ ಕೇಳಿ ಇದೇ ಕೊಡವ ಸಂಸ್ಕೃತಿ

ಸಂಸ್ಕೃತಿರ ಸಾರತ್ವನ ಅರಂಜಿತಂದೋರ್ ಹಕ್ಕ ಕೇಟಿರಿ ಲೋಕಜನ ನೇರ್ ಈ ತಕ್ಕ ಕತ್ತಿ ತೋಕ್ಕೊಲು ಕೊಡವ ಧಾರ್ಮಿಕ ಗುರತ್ ಮುಂಗಡುಲ್ ನಿಪ್ಪೆಂಗ ದೇಶ ತೆರಿ ಕಾತ್

ಕೊಡವಡೊಕ್ಕಡ ಪೆಗ್ಗುರತ್ ಮನೆ ಮನೆಲ್ ತೋಕ್ ಪೂಜತಕ್ಕೊಲು ಅದ್‌ನ ನೆಲ್ಲಕ್ಕಿಲ್ ತೋಕ್ ಶುದ್ಧ ಮುದ್ದಿಕೆಲಿರಂಡು ಪೂಜನೋರ್ ತೋಕ್ ತಪ್ಪನಕ ತಟ್ಟಿರ ಕಾರೋಣಂಡ ವಾಕ್

ಕೊಲ್ಲ ಕೊಲೆಕಲ್ಲ ಅದ್ ಕೊಡವಕ್ ತೋಕ್ ಬೆಲೆ ಅರಿಯತವು ಪರವು ತರತರತ್‌ರ ಪೇಕ್ ದೇಶ ರಕ್ಷಣೆಕಾಯಿ ಕೊಡತತದ ತೋಕ್ ಕುಲ ಧರ್ಮ ಸಂಕೇತಂದದಾನ ನೀ ಕಾಕ್

ಚಾಂದ್ ಕುರ್ಚಿತ್ ಅದ್‌ನ ಬಂದತ್‌ಲ್ ಪೊಯತ ದೇಶ ರಕ್ಷಣೆಕದಾನ ನಿಪ್ಪಲೆಕ್ಕೊಲು ಕೊಯತ ಆಣ್ ಪರಂದಕ ಸಾರುವಕ್ ಒತ್ತೆ ಬೊಡಿಕಾಂಡು ಚಿತ್ತ ಸುದ್ದಿನ ಸಾರುವಕ್ ಜೋಡಿ ಬೊಡಿಕಿರಂಡು

ಕೈಲ್‌ಪೊಳ್ಳ ನಮ್ಮಲದ್ ತೋಕ್ ಪೂಜುವಕಾಂಡು ನಟ್ಟ ಬೊಳೆ ಕೊಯ್ಯುವಕ ಬೊಡಿ ಸದ್ವ ಬೋಂಡು ತೋಕ್ಕಿಲ್ಲತೆನ್ ಮನೆ ಬಿಂಬ ಇಲ್ಲತ ತಿರಿಕೆ ತೋಕ್ ತೊಡುವಕ ಕೊಡವ ಕೆಟ್ಟುವದ ಪರಕೆ

ಕೊಡವಕ್ಕೊಲು ತೋಕೆ ಹರಿಹರಂಡ ಮೂರ್ತಿ ದೇಶ ರಕ್ಷಣೆ ಮಾಡ್‌ನಕೆ ಕೊಡವಂಗ್ ಕೀರ್ತಿ ಕೊಡವಕ್ ತೋಕ್ ಬಾಳಕವಿಭಾಜ್ಯ ಕೊಡವ ಬಾಡಲ್ ತೋಕ್ ಅದ್ ಪಿತ್ಯ ಪೂಜ್ಯ.


ವ್ಯಂಗ್ಯ ಚಿತ್ರ



ಪಂಡೇತರನ್ನಕೆ ತಂಪುಗಾಳಿ ಇಕ್ಕ ಕಟ್ಟಿಯಂಡಿಲ್ಲೆ. ವಿಷಗಾಳಿ, ರಾಜಕೀಯ ಗಾಳಿ ದುಂಬಿಯಂಡ್ ಮೂಕ್ ಮುಚ್ಚಿಯಂಡ್ ತಿರ್‌ವಂಡು. ತ..ಥ್..ರಿಕೆ..!

—ಕೊಪ್ಪೀರ ಜೋಷಿ ಕುಮಾರ್ ಅರುವತೊಕ್ಕಲು.

ವ್ಯಂಗ್ಯ ಚಿತ್ರ




ನಿಂಗಡ ಬಲ್ಯ ‘ಪೋಸ್ಟ್ ಪೊಟ್ಟಿ’ ಎಲ್ಲಿ ಉಂಡಪ್ಪಾ? ಬೆಂಗಳೂರ್‌ಲ್ ಉಳ್ಳ ನಾಡ್ ಮೋಂವೊಂಗ್ ಪೆಣ್ಣ್ ಚಕ್ಕಿರ ಕೂವಲೆ ಪುಟ್, ಚಿಟ್ಟಿ ಪುಟ್‌ನ ಪೋಸ್ಟ್ ಮಾಡಂಡಿಂಜತಲ್ಲಾ.. ಹೆ.ಹೆ.!

—ಕೊಪ್ಪೀರ ಜೋಷಿ ಕುಮಾರ್ ಅರುವತೊಕ್ಕಲು.

ಬೆಂಗಳೂರ್ ನಗರವು:

ಶ್ರೀ. ಶಿವಬಾಲಯೋಗಿ ಆಶ್ರಮ ಕಾರ್ಯಾಧ್ಯಕ್ಷ ಕಾಳಪಂಡ ಬಿ. ವಿಶ್ವನಾಥ್



ಕೊಡಗಲ್ ಕೃಷಿಕನಾಯಿತ್ ಪುಟ್ಟ ಬೊಳಂದ ಶ್ರೀ ಕಾಳಪಂಡ ಬಿ. ವಿಶ್ವನಾಥ್ ಮಾಯಾ-ಮುಡಿಂಜಿ ಕೊಡಗಲ್, ರಾಜ್ಯ, ದೇಶ ಮಟ್ಟತ್ ಕೃಷಿ ಕೋವುಲೇ ಏರ ಸಮಾಜ ಸೇವೆ-ಸಾಧನೆ ಮಾಡ್ಚಿ. ಅದಾನದು ಇಕ್ಕ ಇವು ಬೆಂಗಳೂರ್ ಶ್ರೀ ಶಿವಬಾಲಯೋಗಿ ಆಶ್ರಮತ್ ಕಾರ್ಯಾಧ್ಯಕ್ಷ ನಾಯಿತ್ ಧಾರ್ಮಿಕ ಕ್ಷೇತ್ರ ಬಲ್ಯ ಸೇವೆ ಮಾಡ್ಚುಂಡ್. ನಾಡಲ್ ಸಂಘ-ಸಂಸ್ಥೆ ನೈಚಂಡ್ ಪಾಟೆ-ಪಂಗಡತ್ ಕೊಡ್ಚಂಡ್ ತಾಂಡ ಊರ್, ನಾಡ್ಂದ್ ನಲ್ಲೋಣ್ ಪೇಚಾಡಿಯಂಡ್ ಕ್ರೀಡೆ, ಕಲೆ, ಸಮಾಜ ಸೇವೆ ಕೋವುಕ್ ನಲ್ಲ ಒತ್ತಾಸೆ ಕೊಡ್ಚಂಡ್, ಇದಿಕ್ಕ ಧಾರ್ಮಿಕ ಕೋವುಲ್ ತಾಂಡದೇ ಆನ ಸಾಧನೆಲ್ ಉಳ್ಳವು ಶ್ರೀ ಕಾಳಪಂಡ ಬಿ ವಿಶ್ವನಾಥ್. ಧಾನ, ಧರ್ಮತ್ ಗೋಬಕ್ ಸಹಾಯ ಮಾಡಿತ್. ಆಯಿರಾರ್ ಜನಡ ಬದ್ಕಕ್ ಭವಿಷ್ಯ ಕಾಟೆ ಕೊಡ್ಚಿ. ನಾಡಲ್ ಜನ ಎಂದೂ ಮರೆಯತನ್ನಕೆ ಸೇವೆ ಮಾಡ್ಚಿ ಪೆರಿಯ ವ್ಯಕ್ತಿ ವಿಶ್ವನಾಥ್ ಅಯಿನ ಮಾದರಿ ವ್ಯಕ್ತಿಂದ್ ಕೊಂಡಾಡುವ.

ಬೆಂಗಳೂರ್ ಜೆ.ಪಿ ನಗರತ್ ಉಳ್ಳ ಶ್ರೀ ಶಿವಬಾಲಯೋಗಿ ಆಶ್ರಮತ್ ಕಾರ್ಯಾಧ್ಯಕ್ಷ ಪಿಂಞ ಖಜಾಂಚಿ ಆಯಿತುಳ್ಳ, ಬಲ್ಯ ಕೊಡವಾಭಿಮಾನಿ ಶ್ರೀ ಕಾಳಪಂಡ ಬಿ. ವಿಶ್ವನಾಥ್ ಅಯಿಂಗಳ ಕಂಡಿತ್ ತಕ್ ಪರವಕ ಅಯಿಂಗ ನಡಂದ್ ಬಂದ ಬಟ್ಟೆ ಸಮಾಜ ಸೇವೆ ಪುರಾಡ್ ಕಣ್ಣಕ್ ಕಾಂಬ. ಎಂಬದ್ ದಾಟೆನಕಲೂ ಆಶ್ರಮ, ಸಮಾಜ ಸೇವೆಂದಣ್ಣವ ಅಭಿಮಾನತ್ ಐಂಬದ್ ಬಯತ್‌ರನ್ನಕೆ ಓಡಿ ಕಳಿಪ. ಇವು ತಾಂಡ ಸ್ನೇಹಿತಂಡ ಕೂಡ ಒಮ್ಮೆ ದಂಡ್ ಕುರಿ ಬೆಂಗಳೂರ್ ಬನ್ನೇರ್‌ಘಟ್ಟ

ರಸ್ತೆಲುಳ್ಳ ಶ್ರೀ ಶಿವಬಾಲಯೋಗಿ ಆಶ್ರಮತ್ ಬಾಲ್ಯತ್ ಪೋಯಿತಿಂಜತಲ್ಲೊ. ಅಲ್ಲಿಂಜಿ ವಿಶ್ವನಾಥ್ ಅಯಿಂಗ್ ಸ್ವಾಮೀಜಿರ ಭಕ್ತನಾಚೆಂದ್ ಪರಿಚಯ ಮಾಡ್ಚಿ. ಬಯ್ಯಂಜಿ ಆಶ್ರಮತ್ ನಲ್ಲ ಸಹಾಯ ಮಾಡಿಯಂಡ್, ಸ್ವಾಮೀಜಿರ ನಲ್ಲೋರ್ ಶಿಷ್ಯನಾಯಿತ್ ವಿಶ್ವನಾಥ್ ಬೊಳಂದ್ ಚರಿತ್ರೆ. ಇವು 1979ಲಿಂಜಿ ಸ್ವಾಮೀಜಿರ ಪ್ರಭಾವತ್ ನಡಂದ್‌ಂದ್ ಎಣ್ಣುವ.

ಕೊಡಗಲ್ ಮಾಯಮುಡಿ ಮನೆಕ್ ಶ್ರೀ ಶಿವಬಾಲಯೋಗಿ ಸ್ವಾಮೀಜಿನ ಕೂಟಯ ಬಂದಿತ್ ಆಶೀರ್ವಚನ ಪಡೆಂದಂಡ-ತೆಂದೂ, ತಲಕಾವೇರಿಲ್ ಸ್ವಾಮೀಜಿ ತಪಸ್ ಮಾಡ್‌ವಕ್ ಅವಕಾಶ ಮಾಡಿಕೊಡ್‌ಂದೂ ಶ್ರೀಯುತ ವಿಶ್ವನಾಥ್ ಸ್ವಾಮೀಜಿರ ಸ್ವಾಮಿ ಭಕ್ತನ ವಿವರಿಚಿಡ್‌ವ. 1995ಲ್ ವಿಶ್ವನಾಥ್ ಅಯಿಂಡ ಕುಟುಂಬ ಬ್ರಿಜಿಲಿಯನ್ ಎಸ್ಕೆಟ್ ಮಾರಾಟ ಮಾಡಿತ್ ಬೆಂಗಳೂರ್ ಇಂದಿರಾನಗರತ್ ನೆಲೆ ನಿಂದತ್. 1999ಲ್ ಶ್ರೀ ಶಿವಬಾಲಯೋಗಿ ಟ್ರಸ್ಟ್‌ನ ಕಾರ್ಬಾರಲ್ ಇರಾದೆ ಕಾಟೆನ ಇಯಂಗ್ ಸ್ವಾಮೀಜಿ ಆಶ್ರಮತ್ ಬಲ್ಯ ಜವಾಬ್ದಾರಿ ಒಪ್ಪು ಚಿಟ್ಟತ್. ಸ್ವಾಮೀಜಿ ಮರಣ ಪಟ್ಟದು ವಿಶ್ವನಾಥ್ ಅಯಿಂಗ್ ಸ್ವಾಮೀಜಿ ಆಸೆ, ಯೋಜನೆ ಕಾರ್ಯರೂಪಕ್ ಕೊಂಡ್ ಬಪಕ್ ಯೋಜನೆ ಇಟ್ಟತ್. ಅಲ್ಲಿಂಜಿ ಕಲ್ಯಾಣ ಮಂಟಪ, ವೃದ್ಧಾಶ್ರಮ, ದೇವಸ್ಥಾನ ಇನ್ನತಾನ ಚಾಯಿ ಮಾಡಿಯಂಡ್ ಆಶ್ರಮತ್ ಸೇವೆನ ಬಲ್ಯದ ಮಾಡ್‌ಚಿ.

ಆಶ್ರಮತ್ ಬೊಳಚಿ ..

ಶ್ರೀ ಶಿವಬಾಲಯೋಗಿ ಮಹಾರಾಜ ಬನ್ನೇರ್‌ಘಟ್ಟ ಮುಖ್ಯ ರಸ್ತೆಲ್ 1963ಲೇ

ಆಶ್ರಮ ಸ್ಥಾಪನೆ ಮಾಡಿಂಜತ್. ಅಲ್ಲಿಂಜಿ ಜೆ.ಪಿ.ನಗರತ್ 1976ಲ್ ಸುಮಾರ್ ಅಂಜಿ ಏಕರೆ ಜಾಗತ್‌ನ ಬಿಡಿಎಂಜಿ ಪಡೆಂದಂಡತ್. ಆಶ್ರಮತ್‌ನ 1977ಲಿಂಜಿ ಭಾರತ ಸಂಸ್ಕೃತಿರ ಅಂತರರಾಷ್ಟ್ರೀಯ ಕೇಂದ್ರ ಆಯಿತ್ ಮಾಡಿತ್ ನಲ್ಲೋರ್ ಧಾರ್ಮಿಕ ನೆಲೆಯಾಕ್‌ಚಿ. ವಿಶ್ವನಾಥ್ ಶಿವಬಾಲಯೋಗಿ ಸ್ವಾಮೀಜಿರ ಕೂಡ ದೇಶತ್ ಪಿಂಞ ಪೂರ್ಮ ದೇಶತ್ ಎಲ್ಲಾ ಆಶ್ರಮಕೂ ಪೋಯಂಡ್ ಬಂದೆಂಜಿಂಜತ್.

ಅಧಿಕಾರತ್ 14 ಕಾಲ

ಶ್ರೀಮಾನ್ ಕಾಳಪಂಡ ಬಿ. ವಿಶ್ವನಾಥ್ ಆಶ್ರಮತ್ ಕಾರ್ಯಾಧ್ಯಕ್ಷ ಪಿಂಞ ಖಜಾಂಚಿಯಾಯಿತ್ 13 ಕಾಲಂಜಿ ಸೇವೆಲುಳ್ಳಾಂಡ ಬಗ್ಗೆ (1999 ಲಿಂಜಿ 2013) ಅರಂಜಿತ್, ಆಶ್ರಮತ್ ಬೊಳಚಿರ ಬಗ್ಗೆ ಚಿರಿಯ ಪರಿಚಯ ಇನ್ನನೆ ಉಂಡ್.

1998ಲ್ ವಿಶ್ವನಾಥ್ ಅಯಿಂಗ್ ಆಶ್ರಮತ್ ಟ್ರಸ್ಟಿ ಸೇವೆ ಕಟ್ಟ್ಚಿ. ಪಿತ್ಯಕಾಲ ಇಯಂಗಳ 1999ಲ್ ನೇರೆ ಕಾರ್ಯಾಧ್ಯಕ್ಷ ನಾಯಿತೂ ಮಾಡ್‌ಚಿ. ಅದಾನದು ಆಶ್ರಮತ್ ಬಲ್ಯ ಬೊಳಚಿ ಕಾಂಬಕ್ ಸಾಧ್ಯ ಆಚಿ. ಈ ಆಶ್ರಮ ಧಾರ್ಮಿಕ ಕೇಂದ್ರವೂ ಆಯಿತ್. ಧಾನ, ಭಜನೆ, ಸತ್ಯಂಗ್ ಆಶ್ರಮ ಉಂಡ್. ಪೂಜೆ ಪುರಸ್ಕಾರ್ ದೇವಸ್ಥಾನ ತೊರಂದಿತ್. ಸಭೆ-ಸಮಾರಂಭ ಕೈಪಕ್ ಕಲ್ಯಾಣ ಮಂಟಪ ಎಲ್ಲಾ ಕೂಡಿತ್ ಆಶ್ರಮ ಕೇಳಿ ಪಟ್ಟತ್.

ಪಳಂಗಂಡ ಕೆ. ಚಂಗಪ್ಪ

ಆಶ್ರಮತ್ ಶಿವಬಾಲಯೋಗಿ ಸ್ವಾಮೀಜಿ ಆಳ್ವಿತ್ ಧಾನ ಮಾಡಿಯಂಡಿಂಜ ಜಾಗತ್ ಸ್ವಾಮೀಜಿರ ಆಸೆ ಪೋಲೆ ಅಲ್ಲಿ ದಾನಿಯ ಪಿಂಞ ಭಕ್ತಂಗಡ ಬೆಂಬಲತ್ ವಿಶ್ವನಾಥ್ ಮುಂದಾಳ್ತನತ್ ತಾ.-10.06.2000ಲ್ ಶಿವಲಿಂಗ ಸ್ಥಾಪನೆ ಮಾಡ್‌ಚಿ. ಈ ಜಾಗತ್‌ನ ಯೋಗಿರ ಮಹಾಸಮಾಧಿ ಜ್ಞಾನ ಪೀಠಂದ್ ಎಣ್ಣಿತ್ ಪೀಠತ್ ಕೇದಲ್ 108 ಲಿಂಗತ್‌ನ, ಗಿಡ ಮೂಲಿಕೆನ, ನವರತ್ನ ಧಾತುನ ಪ್ರತಿಷ್ಠಾಪನೆ ಮಾಡಿತ್. ಅಮೃತ ಶಿಲೆ (ಪಚ್ಚಿ ಕಲ್ಲ) ಶಿವಲಿಂಗ ಇದ್. ಸುಮಾರ್ 62 ಅಡಿ ಎತ್ತರತ್ ತೊರಂದ ಕಟ್ಟಡತ್‌ನ ಶಿವಲಿಂಗತ್ ಸುತ್ತಲೂ ಕಟ್ಟಿತ್. ರುದ್ರಾಕ್ಷಿ ಗಿಡ ಬೊಳಂದ್ ನಿಂದಿತ್. ಶಿವರಾತ್ರಿರಂದ್ ಇಲ್ಲಿ ಭಕ್ತಂಗ್ ಶಿವಲಿಂಗಕ್ ಕ್ಷೀರಾಭಿಷೇಕ ಮಾಡ್‌ವ-ದುಂಡ್.

ವೃದ್ಧಾಶ್ರಮ

ಬಯತಂಗಡ ಬಾಳ್ವಕ್ ಚಿರಿಯೋರ್ ಆಸರೆ ಮಾಡಂಡೂಂದ್ ಎಣ್ಣಿತ್ ಆಶ್ರಮತ್ ಬರಿಲ್ ದಾನಿಯ, ಭಕ್ತಂಗ ಎಲ್ಲಾಡ ಸಹಾಯತ್ ವೃದ್ಧಾಶ್ರಮತ್ (ಬಯತಂಗಡ ಬಿಡಾರ)ನ ಕಟ್ಟಿಚಿಟ್ಟಿತ್. ಇದನ್ ತಾ.28.03.2002ಲ್ ತೊರಂದತ್. ಇದತ್ ಬಯತಾ-ನಯಿಂಗ ನೆಮ್ಮದಿಲ್ ಬಯತ್ ಕಾಲತ್‌ನ ಕಯಿಚೆಂಡುಂಡ್.

ಕಲ್ಯಾಣ ಮಂಟಪ.

ಶ್ರೀ ಶಿವಬಾಲಯೋಗಿ ಆಶ್ರಮತ್ ಆವರಣತ್ ಧಾನ, ಭಜನೆ ಕಟ್ಟಡ ಮಾತ್ರ ಅಲ್ಲ. ದೇವಸ್ಥಾನತನೋ ಕಟ್ಟಿತ್. ಇಲ್ಲಿ ಬ್ರಹ್ಮ-ವಿಷ್ಣು-ಮಹೇಶ್ವರ ದೇವಸ್ಥಾನತ್‌ನ 1987ಲೇ ತೊರಂದಿತ್. ಒತ್‌ಲ್ ಓರ್ ಕಲ್ಯಾಣ ಮಂಟಪ್ ಕಟ್ಟ್ಚಿ. ವಿಶ್ವನಾಥ್ ಅಯಿಂಡ್ ಮುಂದಾಳ್ತನತ್ ಇಂಞೋರ್ ಕಲ್ಯಾಣ ಮಂಟಪತ್‌ನ ತಾ. 29.11.2004ಲ್ ತೊರಂದತ್. ಒಟ್ಟಾರ ಆಶ್ರಮತ್ ಆವರಣತ್ ನಲ್ಲ ಕಾರ್ಯ ನಡುವಕ್ ದಂಡ್ ಕಲ್ಯಾಣ ಮಂಟಪ ಉಂಡ್. ಇದ್ ಆಶ್ರಮತ್ ಆದಾಯಕೂ ಮೊಳಿ ಆಯಿತ್.

ಬ್ರಹ್ಮ-ವಿಷ್ಣು-ಮಹೇಶ್ವರ ದೇವಸ್ಥಾನತ್ ಎದಿಕೆ ಗರಡ ಗಂಭ, ಎಡತೆ ಬರಿಲ್ ನವಗ್ರಹ, ನಾಗದೇವತೆ, ದೇವಸ್ಥಾನತ್ ಗುಡಿ ಗೋಪುರ ಅವಶ್ಯಾಂದ್ ನೋಟಿತ್ 2005 ಇಸವಿ ಮಾರ್ಚ್‌ಂಜಿ ಇಪ್ಪರ ಎಲ್ಲಾ ನೆಲೆ ಮಾಡ್‌ಚಿ. ಆಶ್ರಮತ್ ದೇವಸ್ಥಾನ, ಭಜನಾ ಮಂದಿರ, ಶಿವಲಿಂಗ, ಬಯತಾನಯಿಂಡ ಮನೆ, ಕಲ್ಯಾಣ ಮಂಟಪ ಎಲ್ಲಾ ನೆಲೆಯಾಯಿಂಡ್ ಬಂದಿತ್. ಉಳ್ಳ ಜಾಗತ್ ಪಚ್ಚಿ ರಂಗಲ್ ಕಾಫಿ ಗಿಡ ಎಲಂಗುವ. ಪಂಡ್ ನಟ್ಟ ತೆಂಗ ಮರ ಎತ್ತರೆತ್ತಕ್ ಎತ್ತಿತ್. ಪೂತೋಟ, ಬಾಳೆ, ತರಕಾರಿ ಗಿಡ ಭಕ್ತ ಜನಕ್ ನಲ್ಲ ವಾತಾವರಣ ಸೃಷ್ಟಿ ಮಾಡಿತ್.

ಮೈಸೂರ್ ಪುದಿಯ ಆಶ್ರಮ

ಮೈಸೂರ್, ಬನ್ನೂರ್ ರಸ್ತೆರ ದೊಡ್ಡ ಅಂಕನಹಳ್ಳಿಲ್ ಸುಮಾರ್ 2 ಏಕರೆ ಪಡೆಂದಿತ್ ಅಲ್ಲಿ ಶ್ರೀ ಶಿವಬಾಲಯೋಗಿ ಆಶ್ರಮತ್‌ನ ತೊರಂದ-ಡುಂಡ್. ಇದಿಕ್ಕ ಭಜನಾ ಮಂದಿರ ಕಟ್ಟಡ ಪೂರ್ತಿ ಆಯಂಡುಂಡ್. ಅಲ್ಲಿಯೂ ದೇವಸ್ಥಾನ, ಕಲ್ಯಾಣ ಮಂಟಪ ಯೋಜನೆ ಉಂಡ್‌ಂದ್ ಕಾರ್ಯಾಧ್ಯಕ್ಷ ಕಾಳಪಂಡ ಬಿ. ವಿಶ್ವನಾಥ್ ಎಣ್ಣುವ.

ಶಿವಬಾಲಯೋಗಿ ಆಶ್ರಮತ್ ಸ್ವಾಮೀಜಿ ತಪಸ್ ಮಾಡಿತ್ ಎದ್ ಬಂದ ದಿನ, ಸ್ವಾಮೀಜಿ ಶಿವಂಡ ಪಾದ ಸೇರ್‌ನ ದಿನ, ಸ್ವಾಮೀಜಿರ ಪುಟ್ಟನ ನಮ್ಮೆನ

ವಿಶೇಷ ಧಾರ್ಮಿಕ ದಿನ ಆಯಿತ್ ಹೋಮ, ಪೂಜೆ ಪುರಸ್ಕಾರ ಕೂಳ್ ದಾನತ್‌ರ ಕೂಡ ನಡ್ತುವ.

ಶ್ರೀಯುತ ವಿಶ್ವನಾಥ್ ಬದ್ಕ - ಸಾಧನೆ:

ಕೊಡಗ್ ಗೋಣಿಕೊಪ್ಪ ಪಕ್ಕತ ಮಾಯಾಮುಡಿಲ್ ಕೃಷಿಕ ದಂಪತಿಯಳಾನ ಪಟೇಲ ಕಾಳಪಂಡ ಬಿದ್‌ಪ್ಪ - ಸೀತಮ್ಮ (ತಾಮನೆ ಮನೆ: ಚೆಪ್ಪುಡಿರ) ದಂಪತಿರ ಮೋಂವೊನಾಯಿತ್ 1932ನೇ ಇಸವಿ ಡಿಸೆಂಬರ್ 24ಂದ್ ಪುಟ್ಟ್ಚಿ. ಶ್ರೀಯುತ ವಿಶ್ವನಾಥ್ ಮಡಿಕೆಬೀಡ್ ಪ್ರಾಥಮಿಕ ಸ್ಕೂಲ್‌ಲ್ ವಿದ್ಯಾಭ್ಯಾಸ ಮಾಡಿತ್, ಬಯ್ಯಂಜಿ ಪೊನ್ನಂಪೇಟೆಲ್ ಹೈಯರ್ ಪ್ರೈಮರಿ ಸ್ಕೂಲ್ ಓದ್‌ಚಿ. ಕೃಷಿಲ್ ಏರ್ ಇರಾದೆ ಕಾಟಿಯಂಡಿಂಜ ವಿಶ್ವನಾಥ್ ಅಯಿಂಗ್ ಚೆರಾಪಾತಲೇ ಕ್ರೀಡೆ, ಸಾಧನೆರ ಕೂಡ ಪೋರಾಟ, ಸಮಾಜ ಸೇವೆ ಎಲ್ಲಾತಲೂ ನಾಯಕತ್ವ ಬೊಳತಿಯಂಡತ್. ತಾಂಡ 24ನೇ ಬಯತ್‌ಲೇ ಎಣ್ಣಿ 1956ಲ್ ಗೋಣಿಕೊಪ್ಪ ಕೊಡಗು ಪುಳಿ ಸೊಸೈಟಿಲ್ ಸಮಿತಿ ಸದಸ್ಯನಾಚಿ. (ಈ ಸೊಸೈಟಿ 1942ಲ್ ಐವರ್ ಬುಲ್‌ರ ಅಧ್ಯಕ್ಷತ್‌ಲ್ ಪಾಲಿಬೆಟ್ಟತ್ ಸ್ಥಾಪನೆ-ಯಾನದ್) ಅಲ್ಲಿಂಜಿ ವಿಶ್ವನಾಥ್ ಅಯಿಂಗ್ ಬಯ್ಯಕ್ ತಿರಿತ್ ನೋಟ್‌ಲ್. ಅವಕಾಶ್ ಕೊಟ್ಟೆನ್‌ನ್ ಕೆ ತಾಂಡ್ ಬುದ್ಧಿವಂತಿಕೆ, ಪ್ರತಿಭೆನ ಪೊರ ಬೂಕಿಚಿ. ಪುಳಿ ಸೊಸೈಟಿರ ಮೂಲಕ ವಿದೇಶಕೂ ಪೋಯಿತ್ ಅನುಭವ, ತರಬೇತಿ ಪಡೆಂದತ್. ಅಕ್ಕಲೇ ಅಂಜಿ ಶಿಕ್ಷಣತ್ ಪದವಿ ಪಡೆಂದತ್.

ಅನ್ನನೆ 1959ಲ್ ಶ್ರೀಯುತ ವಿಶ್ವನಾಥ್ ಅಯಿಂಗಳ ಭಾರತ ಸರ್ಕಾರ ಅಮೇರಿಕಾತ್ ಪ್ರಾರಿಡಾತ್ ತಾಂತ್ರಿಕ ಸಹಕಾರಿ ಸಂಸ್ಥೆ "ಸಹಕಾರಿ ಕ್ಷೇತ್ರತ್ ಪುಳಿ ಪಣ್ಣ ಉತ್ಪಾದನೆ ಪಿಂಞ ಮಾರಾಟ" ವಿಷಯತ್ ಒರ್ ಕಾಲತ್‌ರ ತರಬೇತಿಕ್ ಅಯೆಚತ್. ಅಲ್ಲಿಂಜಿ ಬಂದಿತ್ ತಾಂಡ ಆಸ್ತಿಲೂ ಪಣ್ಣ ಬೊಳಕ್ ಆಧ್ಯತೆ ಕೊಡ್ಚತ್. ಪುಳಿ ಸೊಸೈಟಿರ ಮೂಲಕ ಪಣ್ಣ ಶೇಖರಣೆ, ಸಂಸ್ಕಣೆ, ಮಾರಾಟ ಇನ್ನತಾನ ಕೃಷಿಕಂಗಕೂ ಪರಿಚಯ ಮಾಡ್‌ಚಿ. ಅದಾನದು ಅಧಿಕಾರಿಯ, ರಾಜಕಾರಣಿಯಡ ಪರಿಚಯ ಆಯಿತ್ ಸಮಾಜ ಸೇವಕ್ ಮೊಳಿಯಾಚಿ.

ಆಶ್ರಮ ವಿಚಾರ :
ಶ್ರೀ ಶಿವಬಾಲಯೋಗಿ ಆಶ್ರಮ
1/ಎ, 3ನೇ ಅಡ್ಡರಸ್ತೆ, 6ನೇ ಮುಖ್ಯ ರಸ್ತೆ, ಜೆ.ಪಿ.ನಗರ 3ನೇ ಸ್ಟೇಜ್, ಬೆಂಗಳೂರ್-78
ಫೋನ್ : 080-26586243
ಶ್ರೀ ವಿಶ್ವನಾಥ್ ಸಾಧನೆಯ ಐವರ 8ನೇ ಪಾಳೆಲ್

ಶ್ರೀ ಕಾವೇರಿ ಕಾಲೇಜ್‌ನ ನಡೆಂದ ಪ್ರಶಸ್ತಿ ದೇ-ಓರಿಯಂಟೇಶನ್ ದೇ

ಶ್ರೀ ಕಾವೇರಿ ಕಾಲೇಜ್‌ನ ಕಯಿಂಜ ಜೂನ್ ತಿಂಗತ್ ನಡೆಂದ ಪ್ರಶಸ್ತಿ ದೇ-ಓರಿಯಂಟೇಶನ್ ದೇ ಫೋಟೋಸ್



ಸಿನಿಮಾ-ಧಾರಾವಾಹಿ ಆಟೋರಾಜ

ಕೊಡಗ್‌ರ ವಿಶ್ವ ಕಾರ್ಯಪ್ಪ ಪಿಂಞ ಕೂಟ್‌ಕಾರ ನಿರ್ಮಾಣ ಮಾಡ್‌ನ “ಆಟೋರಾಜ” ಕನ್ನಡ ಸಿನೆಮಾ ತಾ. 21-06-2013ಂದ್ ಬುಡುಗಡೆ ಆಯಿತ್. ಗಣೇಶ್ ನಾಯಕ ನಟ. ಭಾವನಾ ಪಿಂಞ ದೀಪಿಕಾ ಕಾಮಯ್ಯ ನಾಯಕಿಯ.

ಬೆಂಗಳೂರ್‌ನ ಬೇಗೂರ್ ಸಂಘ ಒತ್ತೋರ್ಮೆ ಕೂಟ

ಬೆಂಗಳೂರ್‌ನ ಉಳ್ಳ ಬೇಗೂರ್ ಕೊಡವ ಸಂಘತರ 17ನೇ ಕಾಲತರ ಒತ್ತೋರ್ಮೆ ಕೂಟ ತಾ.14.7.2013ಂದ್ ಪೊಲಾಕ ಬೆಂಗಳೂರ್ ಕೊಡವ ಸಮಾಜತರ ಜ. ತಿಮ್ಮಯ್ಯ ಭವನತ್ ನಡೆಪದುಂಡ್.

ನಾಪೋಕ್ಲ ಸಮಾಜ ಕ್ಲಬ್‌ನ ಕಾಂಡಂಡ ಜೋಯಪ್ಪ ಅಧ್ಯಕ್ಷ

ನಾಪೋಕ್ಲ ಕೊಡವ ಸಮಾಜತರ ಸಾಂಸ್ಕೃತಿಕ ಪಿಂಞ ರಿಕ್ರಿಯೇಶನ್ ಕ್ಲಬ್‌ರ ಅಧ್ಯಕ್ಷನಾಯಿತ್ ಕಾಂಡಂಡ ಜೋಯಪ್ಪ ಆಯ್ಕೆ ಆಯಿತ್. ಇಕ್ಕಾಯಿತ್ ಸಮಾಜ ಅಧ್ಯಕ್ಷ ಮಣವಟ್ಟಿರ ಬಿ. ಮಾಚಯ್ಯಂಡ ಮುಂದಾಳ್ತನತ್ ನಡೆಂದ ಆಯ್ಕೆ ಕ್ಲಬ್‌ರ ಉಪಾಧ್ಯಕ್ಷನಾಯಿತ್ ಕಲ್ಯಾಣಿಂಡ ರವೇಶ್, ಕಾರ್ಯದರ್ಶಿ ಆಯಿತ್ ಮಂಡೀರ ರಾಜಪ್ಪ ಚಂಗಪ್ಪ, ಸಹಕಾರ್ಯದರ್ಶಿ ಆಯಿತ್ ನಾಯಕಂಡ ದೀಪು ಪಿಂಞ ಖಜಾಂಚಿ ಆಯಿತ್ ಕಲಿಯಂಡ ಹ್ಯಾರಿ ಮಂದಣ್ಣ ನೇಮಕ ಆಯಿತ್.

ಕಾಳಹಂಡ ಜಿ. ವಿಶ್ವನಾಥ್ - ಸೇವೆ ಕಿರು ಹರಿಚಯಿ

ನಲ್ಲ ತಕ್ಕಕಾರನಾಯಿತೂ ಕ್ರೀಡಾಭಿಮಾನಿ ಆಯಿತೂ ಬೋರೆ ಬೋರೆ ಸಂಘ ಸಂಸ್ಥೆಲ್ ವಿಶ್ವನಾಥ್ ಅಯಿಂಗ ನೈಚತ್. ದಾನಿ ಆಯಿತೂ ಪೆದ ಮಾಡ್‌ಚಿ. ಅಯಿಂಡ ಸೇವಾ ವಿವರತರ ಚೆರಿಯ ಪಟ್ಟಿ:

- 1956ಲ್ ಗೋಣಿಕೊಪ್ಪ ಪುಳಿ ಸೊಸೈಟಿ (ಕೊಡಗು ಕಿತ್ತಳೆ ಬೆಳೆಗಾರರ ಸಹಕಾರ ಸಂಘ) ಸಮಿತಿ ಸದಸ್ಯ.
- 1967ಲ್ ಮಡಿಕೇರಿ ಕೊಡಗ್ ಹಾಕಿ ಅಸೋಸಿಯೇಶನ್ ಉಪಾಧ್ಯಕ್ಷ.
- 1969ಲ್ ಗೋಣಿಕೊಪ್ಪ ಕಾವೇರಿ ಕಾಲೇಜು ಸ್ಥಾಪಕ ಆಡಳಿತ ಮಂಡಳಿ ಸಮಿತಿ ಸದಸ್ಯ.
- 1970ಲ್ ರಾಜ್ಯ ರೈತ ಸಂಘತರ ಪದಾಧಿಕಾರಿಯಾಯಿತ್ ನೇಮಕ.
- 1971ಲ್ ಗೋಣಿಕೊಪ್ಪ ಪುಳಿ ಸೊಸೈಟಿ (ಕೊಡಗು ಕಿತ್ತಳೆ ಬೆಳೆಗಾರರ ಸಹಕಾರ ಸಂಘ) ಅಧ್ಯಕ್ಷ.
- 1972ಲ್ ಡೆಲ್ಲಿಲ್ ಭಾರತ ಸರ್ಕಾರ ಕೇಂದ್ರಿಯ ಪಣ್ಣೆ ಸಲಹಾ ಸಮಿತಿ +ತೋಟಗಾರಿಕೆ ಅಭಿವೃದ್ಧಿ ಸಮಿತಿ ಸದಸ್ಯ
- 1974ಲ್ ಅಖಿಲ ಭಾರತ ಆಹಾರ ಸಂರಕ್ಷಣೆಗಾರಡ ಅಸೋಸಿಯೇಶನ್ ಕಾರ್ಯಕಾರಿ ಮಂಡಳಿ ಸದಸ್ಯ.
- 1976ಲ್ ಕೊಡಗ್ ಜಿಲ್ಲಾ ಲಯನ್ಸ್ ಅಧ್ಯಕ್ಷ.
- 1976ಲ್ ಕೊಡಗ್ ಜಿಲ್ಲಾ ಕಾಫಿ ಬೆಳೆಗಾರಡ ಸಂಘ ಅಧ್ಯಕ್ಷ.
- 1977ಲ್ ಮೈಸೂರ್ ಕಾಫಿ ಪ್ರೋಸೆಸಿಂಗ್ ಕೋ-ಆಪರೇಟಿವ್ ಸೊಸೈಟಿ ನಿರ್ದೇಶಕ.
- 1984ಲ್ ಬೆಂಗಳೂರ್ ಕಾಫಿ ಬೋರ್ಡ್ ಸದಸ್ಯ (5ಕಾಲ)
- 1987ಲ್ ಲಯನ್ಸ್ ಕ್ಲಬ್ ಇಂಟರ್‌ನ್ಯಾಶನಲ್ ಜಿಲ್ಲಾ ಗವರ್ನರ್ (ದಕ್ಷಿಣತ್ 5 ರಾಜ್ಯ)
- 1987ಲ್ ಬೆಂಗಳೂರ್-ಕರ್ನಾಟಕ ರಾಜ್ಯ ಕನಿಷ್ಠ ವೇತನ ಸಲಹಾ ಸಮಿತಿ ನಿರ್ದೇಶಕ. ಬೆಂಗಳೂರ್-ಕರ್ನಾಟಕ ರಾಜ್ಯ ಕಾರ್ಮಿಕಡ ಕ್ಷೇಮಾಭಿವೃದ್ಧಿ ಮಂಡಳಿ ಸದಸ್ಯ.
- 1988ಲ್ ಬೆಂಗಳೂರ್-ಕರ್ನಾಟಕ ರಾಜ್ಯ ಗ್ರಾಹಕಡ ಸಹಕಾರಿ ಫೆಡರೇಶನ್ ನಿರ್ದೇಶಕ. ಡೆಲ್ಲಿ ಎಆರ್‌ಸಿ (ಕೃಷಿ ವಲಯತ್ ಪುನ: ಪಣಕಾಸ್ ಅಭಿವೃದ್ಧಿ ಉದ್ಯಮ)ತ್ ಕರ್ನಾಟಕ ಪ್ಲಾಂಟೇಶನ್ ಪರವಾಯಿತ್ ತಾಂತ್ರಿಕ ಸಲಹೆಗಾರ.
- 1991ಲ್ ಕರ್ನಾಟಕ ರಾಜ್ಯ ಬೆಳೆಗಾರಡ ಸಹಕಾರಿ ಮಾರಾಟ ಸಂಸ್ಥೆ (ತೋಟಗಾರಿಕೆ ಬೊಳೆ) ಆಡಳಿತ ಮಂಡಳಿ ಸದಸ್ಯ ಬಯ್ಯಂಜಿ ಅಧ್ಯಕ್ಷ
- 1998ಲ್ ಬೆಂಗಳೂರ್-ಇಂದಿರಾನಗರ ಸೀನಿಯರ್ ಸಿಟಿಜನ್ ಅಸೋಸಿಯೇಶನ್ ಅಧ್ಯಕ್ಷ
- 1999ಲಿಂಜಿ ಶ್ರೀ ಶಿವಬಾಲಯೋಗಿ ಆಶ್ರಮತರ ಕಾರ್ಯಾಧ್ಯಕ್ಷ ಪಿಂಞ ಖಜಾಂಚಿ. ಮಡಿಕೇರಿ ಪೀ. ಮಾ. ಕಾರ್ಯಪ್ಪ ಸ್ಟೇಡಿಯಂ ನಿರ್ಮಾಣ ಸಮಿತಿ-ಉಪಾಧ್ಯಕ್ಷನಾಯಿತ್ ಕಾರ್ಬಾರ್ ಮಾಡಿತ್.

ಬೆಂಗಳೂರ್‌ನ 'ಕೆಬಿಸಿ ಭೀರ್ಯ-2013' ಡಾನ್ಸ್, ಬಾಡಿ ಬಿಲ್ಡಿಂಗ್-ಪ್ಯಾಶನ್ ಶೋ..



ಬೆಂಗಳೂರ್‌ನ ಗ್ಲಾಮ್ ಗಾಡ್ ಪ್ಯಾಶನ್ ಆದನೆಲ್ 'ಕೆಬಿಸಿ ಭೀರ್ಯ-2013' ಎಣ್ಣುವ ಸಾಂಸ್ಕೃತಿಕ ಕಾರ್ಯಕ್ರಮ, ಬಾಡಿ ಬಿಲ್ಡಿಂಗ್ ಪಿಂಞ ಪ್ಯಾಶನ್ ಶೋ.. ತಾ.27.6.2013ಂದ್ ಬೈಟಾಪಕ ಚೌಡಯ್ಯ ಮೆಮೋರಿಯಲ್ ಹಾಲ್‌ನ ನಡೆಂದತ್. ಕೆಬಿಸಿ ಭೀರ್ಯ-2013 ಕಾರ್ಯಕ್ರಮತರ ಪ್ರಮೋಟರ್ ಕುಕ್ಕೇರ ಜಯಾ ಚಿಣ್ಣಪ್ಪ. ಗ್ಲಾಮ್ ಗಾಡ್ ಪ್ಯಾಶನ್‌ರ ಪಾಲ್‌ದಾರಂಗ, ಕನ್ನಡ ಸಿನೆಮಾ ಕೋವುಲ್ ಕೇಳಿಪಟ್ಟಿತುಳ್ಳ ಉಳ್ಳ ನಟ ಉಳ್ಳಯಡ ಭುವನ್ ಪೊನ್ನಣ್ಣ ಪಿಂಞ ನಟಿ ಉದ್ಧಪಂಡ ಹರ್ಷಿಕಾ ಪೂಣಚ್ಚ.

ಅಚಿದ್ ಬೈಟಾಪಕ ಚಿಪ್ಪುಡಿರ ಪ್ರಮೀಳ ಸುಬ್ಬಯ್ಯ, ಕುಕ್ಕೇರ ಗೊಂಬೆ ಚಿಣ್ಣಪ್ಪ ಪಿಂಞ ಮೊಣ್ಣಂಡ ಸೀತಾ ಅಯ್ಯಣ್ಣ ಬೊಳ್‌ಚಿ ಕತ್ತಚಿಟ್ಟಿತ್ ಕಾರ್ಯಕ್ರಮ ಉದ್ಘಾಟಿಚಿಟ್ಟಿತ್. ಕಾರ್ಯಕ್ರಮಕ್ ಮುಖ್ಯ ಬೆಂದುವಳಾಯಿತ್ ಬೆಂಗಳೂರ್ ಕೊಡವ ಸಮಾಜ ಅಧ್ಯಕ್ಷ ಚಿಪ್ಪುಡಿರ ಎಂ. ಸುಬ್ಬಯ್ಯ, ಕೊಡವ ಸಮಾಜ ಒಕ್ಕೂಟ ಅಧ್ಯಕ್ಷ ಮಲ್ಲೇಂಗಡ ಎನ್. ಬೆಳ್ಳಪ್ಪ, ಪೋಗ್ ಸಂಸ್ಥೆರ ಮುಖ್ಯಸ್ಥ ಮಂಡುವಂಡ ಪ್ರಕಾಶ್ ಕಾರ್ಯಪ್ಪ ಪಿಂಞ 'ಬ್ರಹ್ಮಗಿರಿ' ಕೊಡವ ವಾರ ಪತ್ರಿಕೆರ ಸಂಪಾದಕ ಉಳ್ಳಯಡ ಎಂ. ಪೂವಯ್ಯ, ಕರ್ನಾಟಕ ಮಾಧ್ಯಮ ಅಕಾಡೆಮಿ ಅಧ್ಯಕ್ಷ ಮನೆಯಪಂಡ ಎ. ಪೊನ್ನಪ್ಪ ಬಂದಿತಿಂಜತ್. ಪಳಂಗಂಡ ರೀಟಾ ನಾಚಪ್ಪ ಪ್ರಾರ್ಥನೆ ಮಾಡ್‌ಚಿ.

ಪ್ರಮೋಟರ್ ಕುಕ್ಕೇರ ಜಯಾ ಚಿಣ್ಣಪ್ಪ ತಕ್ಕ ಪರಂದಿತ್ ಬೆಂಗಳೂರ್‌ನ ಕೊಡವ ಸಂಘ ಮಟ್ಟತರ ಸುಮಾರ್ ಪ್ರತಿಭೆಕ್ ಬಲ್ಯ ಮಟ್ಟತರ ಸಹಾಯ, ಪ್ರೋತ್ಸಾಹ ಈ ವೇದಿಕೆರ ಮೂಲಕ ಕೊಟ್ಟವಾಂದ್ ಅಭಿಪ್ರಾಯ ಪಟ್ಟಿತ್. ನಂಗಡ ಮಕ್ಕಡ ಚಾಯಿಕ್ ಪ್ಯಾಶನ್ ಲೋಕಕ್ ಏರ ಅವಕಾಶ ತೊರಂದಿತ್. ಡಾನ್ಸ್-ಕಲೆಲ್ ನಂಗಡವು ನಲ್ಲ ಪ್ರತಿಭೆನ ಬೊಳ್ಳಿಯಂಡ್ ಬಂದಾನಗುಂಡ್ ಎಲ್ಲಾಕೂ ಸಿನೆಮಾ ಕೂಡ್‌ನನಕೆ ಕಲೆ-ಸಂಸ್ಕೃತಿರ ಕೋವುಲ್ ನಲ್ಲ ನಲ್ಲ ಸ್ಥಾನಮಾನ ಕೊಟ್ಟವಾಂದ್ ಪರಂದತ್.

ಭೀರ್ಯ 2013ಲ್ ಬೆಂಗಳೂರ್‌ರ ಸುಲ್ತಾನ್ ಪಾಳ್ಯ, ಕೆ.ಆರ್.ಪುರ, ಕೋರಮಂಗಲ, ಜಯನಗರ, ಕೆಂಗೇರಿ ಕೊಡವ ಸಂಘಕಾರಡ ಸಾಂಸ್ಕೃತಿಕ ಕಾರ್ಯಕ್ರಮ ಏರ್ಪಡ್ತಿಂಜತ್. ಉದ್ಘಾಟನೆ ಹರ್ಷಿಕಾ ಪೂಣಚ್ಚಂಡ ಪಿಂಞ ಉಳ್ಳಯಡ ಭುವನ್ ಪೊನ್ನಣ್ಣಂಡ ತಕ್ಕ ಪರಂದತ್. ಉಳ್ಳಯಡ ಭುವನ್ ಪೊನ್ನಣ್ಣಂಡ ಮುಂದಾಳ್ತನತ್ ಪ್ಯಾಶನ್ ಶೋ ಕಾಟ್‌ಚಿ. ಬಾಡಿ ಬಿಲ್ಡಿಂಗ್ ಪ್ರದರ್ಶನ ಕೂಡ್‌ನನಕೆ ಆಟ್ ಪಾಟ್ ಕಾರ್ಯಕ್ರಮ ನಡೆಪ್‌ಚಿ. ಮಲ್ಲೇಂಗಡ ಎಸ್. ಮುತ್ತಣ್ಣ ಕಾರ್ಯಕ್ರಮ ನಿರೂಪಿಚಿಟ್ಟಿತ್.